





石倉十二代詩選

明四集卷一百之十

敬所集

大明

臨海王宗沐著  
後學曹學佺閱

感遇

春情釋玄凍萬卉紛華滋丹白媚紫陌綺錯無  
後時豈伊雨露恩氣入迅如馳懿彼松與栢孤  
根結幽岬翠浪翻長風猶爲隔歲姿豈不逢疑  
霜此節良不移茲理吾所悟無榮固寡衰何如  
夸毗子靡麗令自嗤



其二

傾義儼西轡空庭黯將夕仰視列宿張織女次  
東極昔聞尋河人曾犯支機石意彼杼軸工非  
復人間識玉皇服火龍藻繪從手澤機鳴天樂  
動練布虹蜺滌浣紗河水頭猶作丹霞色雲漢  
炳天章寧須事金碧愚誠願乞巧薰沐丹悃積  
飛身渡銀潢長鯨薄瑤席側聞染濯妙微縷皆  
剖析歸感指授恩未敢等凡跡 聖主方垂裳  
微臣供袞舄

其三

閒居寡營務獨抱丘壑姿况當五嶽勝能無係  
夢思丹經探九籥練服親明師忽忽生金華解  
骨非我欺何當事遨遊邀媛驂雲螭孤蹤次第  
遍駐足非虹蜺一奕爛斧柯久近非世知桑田  
豈不饒海水終見移

其四

萬事不得志黃金固交親意氣爲骨肉茲情何  
繇敦春陵利九五物色求故人蒙茸羊裘子聊



歷代詩選 明正朝所 二  
復辭水濱高風動客星足並帝腹伸何言貴賤  
極中自任所真寂寞子陵灘嗟嗟行路難

其五

海色報鷄鳴人事從此始車馬十二衢紅塵暗  
沾灑豈不勞晨炊聲利三川市矜名道自昏升  
沉昧庸理獨有執戟生草玄關未啓

其六

佳人眇天末彌年曠音容豈不勤素念欲徃道  
莫從袖中有錦書綵錯緘且重上言相思長下

言明德崇欲寄心欵曲仰視無飛鴻明月耿夜  
光流照逐微躬冰盤鱠文鯉綉柱雕玉龍桂酒  
獨行酌佳期綵雲空鬱鬱調綺琴遺響生悲風

其七

肅徒弭青郊頰流驚逝川言悟如斯理昏旭恒  
相緣懸車儼金方樹杪鳴玄蟬徂落屬大化孤  
英寧獨全振羽邇丹牖冥翼依陽壩豈不念故  
居無情炳幾先云胡獨行行坐使玄鬢遷感物  
懷雲期命駕遄歸旋



其八

藝蘭不成阡顧視亦何勤  
夕灌水潭水朝繫玉  
洞雲常恐皓露盈  
肅肅殘清芬松下有  
蔦蘿無人自紛紜

其九

懷人夜未闌帷薄忽驚曙  
啓扇瞻微光明月在  
高樹流雲還故山高  
鳥遵徃路萬物且尚然  
游子不返顧遙遙念  
王程青春忽成暮  
徙倚君莫知  
席石抱丹素

其十

秉燭理史帙雅志上古英  
江河並世變否泰旋  
相傾智愚非一途  
遭時皆有營紀載  
僅止斯磨滅多遺情  
自從混沌來所存  
惟令名後人鑑  
今事今人醉未醒  
咄嗟獨多嘆  
默默觀無生

晨起聞鷄

晨起整素襟啓扇光已曙  
黃鳥稍驚聒揚音  
在高樹間關意彌勤  
儔寡成獨訢傾耳無遺聲  
惻心肇煩慮曉籌進鷄人  
車馬儼衢路紅塵蔽流



景華寵紛相顧未厭物外心徒以名達誤嗟予  
獨孤寂默默守丹素庭中積幽草案上煩楮賦  
靜深吾道存跡滯心已悟執戟誠所甘朱轂豈  
深慕與爾期空山幽然得所務

聞鴈

二月春已深湖湘草紛碧鴈生誠足謀胡爲厲  
歸翼煙波與霜雪時意多異適古來稱冥鴻所  
貴非得食

送曹紀山侍御按江西

荆衡闡靈閤翳君儀丹霄昔聞振雲藻今覩鳴  
霜鑣陽林歛密華樂闋當清朝憶往尚靜寂金  
方稅煩囂邂逅非望始禪月相招邀塵跡將速  
晷離歌已重謠數偶散成合迹睽邇還遙渚鴻  
有单羽河柳無榮條望望不能留慼慼神已超

又

送別際清秋前旌弭平陸晨裝夙已戒行邁詎  
云速行邁亦何之驄馬遵楚服丹經第流峙豫  
章擅名奧廬岳臨彭蠡天關非邇域峰轉入雲



層波縈展素縠豈徒媚幽居詞客時屑玉懿若  
抱竒羨吏道寧爲束蕙霞必山行頰流多水宿  
顧已娛清暉神理恣疏毓延攬竟阿澗凝盼畢  
潛伏婉變金馬姿昭灼苞鳳軸臨風枉嘉藻願  
言慰幽獨

送齊定溪都諫謫丞長汀便道歸省

對酒忽不御當歌慘言離晨裝夙已戒分手遠  
素期束髮嬰塵冠羈跡安卑棲未塗幸追逐只  
尺分光儀意得筌蹄忘霽景雲霧披淹薄歷涼

溫宮月臨傳卮指漏繼停晷散帙參所疑播蕩  
觀世氛叢慮多艱夷予抱倚玉歡君有投沙悲  
聚散非定處忠感理亦欺昏旭異升沉萬事良  
難知

其二

帝恩良已深謫宦還名地遠程指南服幽情欣  
畢遂河洲草方漙單袷夙已治易水吹長風戒  
途多戚意行從親愛別翻與真景值波光極望  
平腴土中經秘臥龍儼鬱嶽圓珠紛綺翠陟巖



觀縈抱頰洞測幽邃雲扃叩虛聲煙徑逢羽顛  
席瞰海日升庭延山月至化跡忘旅心宦情倦  
靈異怡神祇爲美亟役非所累舊想微在今纓  
塵忽如棄

送艾甫一弟歸洪都

遊子晨蓐食駕言返故都分手易前期沉抱闕  
所娛吾宗富文藻令弟蚤歲敷清標鬱蒔若鏞  
呂廟序鋪冥舉羽翼成瑾尚持運符指景及金  
素修軫凌前途

十二再宴徐定國宅

誰謂侯門深華觴欣再持命筵繞寒叢菊晚月  
滿規徃憶風雨并翻在中秋時因識明暗端不  
與人意期遠此未云久雲物隨杓移葉減看舊  
花水落曾臨池涼露浩前除清霜切蕙帷節徃  
念彌結情深眷轉滋沉謝豈別理此道誠可推  
多秩兼黃金疇益年鬢緇逐物寡外營達觀誠  
所宜拂衣愜微尚憩息嶽與疑玄術覽旣得紛  
慮遣無遺羽翰倘能成飄飄任所之



雨夜

深夜燃明燭耿懷遠塵鞅涼風生前除颺沓零  
雨響稍加林木清漸知池水長煩暑倏已滅披  
衣息凡想轉念謏劣資居然嬰世網吏道一何  
逼結情異疇曩豈不志衛生緣習終無象沉冥  
智未周歲月信推蕩出門還自營所憂多魍魎  
風雨滿舊山拂衣當獨往

美姝篇

十二學縫衣十五學畫眉十八解鼓吹始作漢

宮姬自驚妖艷色豈復論恩私果蒙主上顧繼  
綵良不疑華露被芳草時雨滋新枝薄技效樽  
俎肝瞻常自披跂彼龍居崇所憂身命卑新人  
燕趙來忽忽平生移寵多遠易嫌情去少變衰  
一自入長門不復薦綺襦涼風飄庭木孤月偏  
空帷不爲悅已容鉛粉無情施不餉且不織服  
食玉與襦君恩良已厚敢復怨孤雌微衷懼終  
弃已矣沉黃泥徙倚望桂宮一日十二時

從軍行



少年解持劍，緬懷非詩書。朝馳洛陽都，繫馬臨長衢。錦帶雙吳鉤，偃息歸里閭。昨夜羽檄來，胡虜寇北隅。軍門有懸金，壯士命與俱。雅懷協夙昔，結髮事長驅。磨刀隴頭水，意氣欬豁舒。橫行黑山北，左賢命若糜。秋高沙草黃，日暮刁斗齊。烏壘懸太白，一戰摧休屠。蠟書報天子，凱歌完微軀。黃河夜半渡，戎衣脫如遺。自慰委心畢，約客相飲釀。賞格若有無，身去名籍除。耻受虎竹分，長揖歸敝廬。

鷲歸

鱗次四運遷，黃鳥知窮節。秋風振中林，密苑收繁蘖。歸化恒顛理，先時懿物哲。上林餘高枝，求友返舊穴。豈無睨晚音，甘並芳草歇。速退非成功，所憂在霜雪。感此念推運，還自慰寂滅。徙倚步飛楹，仰視河宿列。沉冥資頗闇，緬仰性所缺。堅白且自持，豈顧磨與涅。愧彼毛羽姿，全真若深閼。何時載春酒，遲爾故山闌。

同王鑑川張弘齋遊慈仁寺值曹紉山侍



御因留宿僧房分韻得月字

澄陰愛秋旻金方晚遊謁邂逅同心人歸騎未  
能發幽界衆誼靜素景群芳歇夷猶抱深情酌  
醕蔭松樾高閣俯玄溜遙林吐華月委波千萬  
里泠泠浸毛髮逶迤踐隆墀迢迢望層闕野飈  
雜鐘磬僧餐進薇蕨積疴倏消蕩餘興凌溟渤  
流景非久淹晷運信超忽崇名豈永居所貴謝  
天伐茲理久自悟寒暑亦更粵定心無寂囂至  
道靡生没何當去寰區殊方鍊金骨

五月三日舟泊姑蘇喜逢陳禹川感述

經年事遊涉弭權復姑蘇山色遙分越衣冠已  
改吳花柳百川媚綺繡萬戶鋪容懷重顧家兼  
之畏長途滿江五月寒遠帆天際孤朝雲棲斷  
樹暮火依敗蘆卷幔長河沒離索誰與娛忽君  
自南來錦纜將北徂獨行喜共濟新情憐久疎  
憶昔從君遊洛陽並轡驅擗藻競文鋒射策彎  
蓬弧風雲皆會合雨露各沾濡鵬翮萬里搏鳳  
詔九重敷予旣往鍾山君亦登匡廬旆色連淮



向劍氣橫涪都各行已分襟茲會若合符邂逅  
既不偶聯綫亦當殊舉杯臨綠波佳節近菖蒲  
梅雨霽三山榴日開五湖有琴彈素心無肴薦  
青菰劇飲對知己世事付江鳧在昔夫差強當  
陣抱鼓桴壯氣干虹霓事業委薜蘿臺高雙鳥  
下墓古松杉枯長江日夜流千載成須臾始信  
權會難何惜傾百壺

對雨

朝陽未云夷微雨倏已盈山中風景別俄頃殊

陰晴蕭條來高天颺沓綠飛甍活活池流潔皎  
皎孤花明夾霧迷舊壑雜磬聞野扁臺殿已白  
嘉兼茲益餘清自辭三春來驕陽阻深耕密雲  
出高峰敷澤周四城伊予事閒棲翻覆乖山行  
閉戶養恬泊寂寥觀無生以我得靜意慰彼三  
農情

就枕林蕪會醉已却曾禁野幽人曷與

幽人已就枕誦僧猶未眠勞息雖殊致處心兩  
皆禪綴文蔽真乘無言徹幽玄自從雙樹來茲



意誰與傳

晨起

曙色分高林驚禽稍已聒僧磬促幽人晨興理  
素髮啓戶眺崇岡微茫對突兀泥泥花上露闌  
闌天際月處默會沉景妻淡紛慮歇憶往鳴玉  
班此際趨朝闕日晏罷省歸恬養寡所謁征衣  
變炎涼六載坐超忽嘉命忝師資孤擢春明發  
萬里息廬徑惟餘肫新蕨宴餞逼官程依方禮  
金骨豈獨解紉牽道心謝天伐

同王石川叅將遊虛白洞天二首

吏道苦逼束廵方靡稽程下上舟輿間不知春  
已盈炎方物候殊萬卉咸夙呈嵯傾暗芳篠谷  
轉齊孤英以我羈係心負茲妍艷情行行入貴  
陽側聞幽洞名將軍百里來結騎踐徃盟拳裳  
濟紫水緣磴叩野扃延賞煙景暮歸詠春服成

又

南岷駢萬山孤峰更突兀遙瞻蒼翠封初疑路  
已絕稍稍從南行忽復覩幽穴徑實諒天啓傾



又靡株穠佛懣事深討外隘中固濶曠宿遠岫  
靈側延天際月居人時鳴鐘虛聲度林樾日落  
前峰暗餘景中自發始徵虛白言古來垂秘訣  
爰以命茲竒適意非強設王君本道侶語契還  
擊節峭壁染飛翰劖之永不滅何事重來遊餐  
霞晞素髮

江口舟中

北風吹飛雨江帆未可張不謂滯歸程翻憐生  
夜涼肅穆樵徑昏朗亮濤聲長賚意就枕筆紛

脊難自量明發試推篷初旭延霽光濺沫起宿  
鷺次第緣魚梁煙際藹新綠孤清洗巒嶺晴雨  
見消息因之世慮忘

陽朔舟中得舍弟滯中途書

湍江信歸舟行子不返顧棄我如孤翰晨夕誰  
與晤分手愴深衷日來稍能措胡忽遺我言翻  
令起重慕明時才俊庸吾宗文雅富以爾霄漢  
姿衣鉢詎云誤慘慘分飛心眷眷崇名譽豈不  
憐天涯聚食羞鷄鶩春入殊炎方早行多雨露



爾能加餐飯予亦保貞素

還家移居雲峰山寺

整駕旋故鄉宴笑款交親  
剝以清景戀言棲祗  
樹林凌晨別城郭緣雲陟  
嶽岑逼仄上高嶺萬  
室皆平臨舉目見青山  
世事非所仕擷華愛豐  
條玩鱗俯懸濤遠世屬  
天路失暑多叢陰嘉招  
偶履運紛華悲滯淫已  
忻歸里廬兼還愜幽尋  
鐘磬發林樾妻清益道  
心無營豈惟夙玄悟徵  
在今

又卷

清賞夙所耽况當冗病餘  
懸標望蓮界行行迅  
言徂夏條蔭石壁嶺遐  
天路紆迢迢拂蒙密始  
見莊嚴居洞戶駕危磴  
長林羅柈欄歲月記深  
池上法屬貝書以茲獨  
在意條然足清虛席向  
僧榻分飯同香積儲今  
古感故碑變遷聞廢墟  
漱齒談妙理中還得心  
初始悟當途子信步將  
焉如



乞歸依山川本爲便遊集况逢今歲春三分更  
倍一如何風與雨蕭蕭累許日花顏慘不舒遊  
韞動成縈乃悟天工慳損益暗相襲懸知晴有  
時奈此春靡及萬卉不相待熙熙異炎赫人生  
難得志兼此多病骨叩門聞履聲衣冠強自執  
雨多不適遊翻爲懶得習覩公豁青天披雲味  
相入何當從公後還負西湖笈

舟行將至貴溪江少峰以詩見贈卽席奉

答

丈夫志四海意氣皆憐材擊筑髮上冠倦倚黃  
金臺挽衣仰天地相顧仍自咲水上酌濁酒白  
日爲招回是中有深思豈獨離別催擁篲爰古  
風東閣生蒿萊僅僅非至理崇高不爲摧志士  
日負竒萬仞抱崔嵬短褐與藜藿低眉寧所裁  
鷄斂寶凡羽錦韉籠常駘鳳驥不復至皇圖亦  
哀哉伊君巖廊英胸有冠古才少年亦骯髒稷  
尚相與諸杯酒忤許史十年宦遑迴撫膺不得  
意閉門臥簷苔晞髮望遙闕吐吞振雲雷屑玉



灑空虛墳典扶傾頽以君高視間乃知開闢來  
竒士不宦達公侯亦塵埃令名在宇宙久近誰  
能猜理去閭闔卑道在沉溟開蹇予誠薄懷頗  
意接樽壘燭下披晴襟雲際遺瓊瑰茲行返林  
麓執手重相猥同心照冰壺傾倒萬斛推不謂  
燕石賤亦蒙卞氏哀顧篋靡所携投報索瓊瑰  
百年有令旨不媿江上杯

九月十六日全州公署對月

前月當茲夕旅泊弋陽溪寒光墮白水人影憐

相依茲夕憇湘山月白仍離離人地兩俱遠困  
翼靡停枝回首望弋陽弇州不可期秋蓬自南  
北問月何相隨豈亦憐羈艱特與欸清姿耿耿  
不就寐晃晃鑿綠帟平生倚雙龍跋涉經邊陲  
鴈門只尺地虜騎霜天馳殺人黑水上搖首不  
敢唾此文正驚急誰爲紓嚴圍飲羽兩飛箭鳴  
雄一長嘶酒酣還起舞男兒故瑰竒浩氣奪月  
光流照爲我遲鐵甲殉銅柱南紀亦未夷因風  
語推轂虎陛方拊髀



灤泉流觴分韻得萬字

神灤布春郊漪流拂芳蔓閱往祀豈千吹物繁  
應萬茲晨吾何營飛觴不辭勸華哉薄遊目逝  
矣臨湍愿纓清未煩濯袂結何言判逆旅海席  
舒幽尋期曼倩瀾霖天颯歘入黑水土無首不  
不涼玄武湖墨絲漣平玉尚幾請越池翠藻到  
太平堤邊玄武湖瀾漫極目披瑤圖大洲小洲  
撐突兀源深瑩徹稱水壺黑龍起應北方宿騰  
雲吐霧時模糊芙蓉亂落雲錦碎跳珠濺沫飛

鸞鳧萬年四海輸版籍客行翻作遊玄都天晴  
錯落照星斗滄溟樂浪真虛無嗚呼玄武湖君  
且越臨流舉酒能相思千頃湖光倍煙月

賦得玉河水送環刺史赴太平

太液池分下絳河方流圓指轉晴波一川澄影  
涵金殿百道純瀾起玉珂曾取支機石爲埒不  
著蘭舟與桂楫長堤煙柳萬條斜南枝折盡征  
人別把袂臨岐增客思念君醉酒曲江時十年  
猶臥郎官省特立儵然冰雪姿乘傳嶺海多平



反三栢堂中揮翰滿一麾守郡當股肱腰下黃金雙綬緩采石江深秋月明梧碧楓丹伴去程涼風水落空牛渚錦帆遙夜泊孤城共道廣平聽方籍分親不問江城隔已覺相逢是後時翻憐別去今成迫酌君酒爲君歌斜日春明聞玉河人生離合應無緒贏得花前酒如此誰言此日送君情不及玉河千尺水

古意

秋深九月天氣涼映簾耿耿河漢張芙蓉亂落

鴻鴈翔畫屏晝掩幽思長憶昔歸君上高堂流蘇帳暖雙鳳凰依微百和薰明鏞可憐歡樂殊未央征書忽忽來遼陽催君一夜辭洞房金丸紫鞵向沙場對君連淚洗紅粧天山雪滿胡騎猖龍韜鑱甲仍挽強出門不讓羽林郎意得寧知妾斷腸秋城砧杵思自傷迴文細織相思章鐵衣未解消息茫遠道無人爲寄將晴宵桂影凍銀牀烏啼落日偏流黃隴頭水咽歸夢傍歌塵半掩空縹緲男兒願作侯與王妾身願作雙



鴛鴦待君封侯歸故鄉年華妾鬢應已霜

長信宮

女伴憶齊年招邀共採蓮羅裙沙上影蘭漿浦  
中船蓮船認取江干熟自擬容顏終草木漢宮  
一日徵才人微軀亦上黃金屋同輦記綢繆歡  
多不到頭飛燕朝入侍賤妾暮見尤長信祗應  
居薄命苔徑松梧換幾秋昔年曾薦龍鬚席今  
日昭陽萬里隔昔年耳畔溫天語今日龍顏霄  
漢裏未必花容減向時君情自是東流水婉約

生平欬唾香倚臺終日不成粧細草解漫舊輦  
道閒花偏落新愁腸門闔風淒空擣素齊紈捐  
棄因秋露十甲何心湘女絃千金不買長卿賦  
寄言女伴莫入宮漢事如今漸不同從教鷹黛  
明如玉向寵還須舞掌中  
送李若虛年丈使饒州賦青門雪  
征麾萬里道祖帳三冬開把酒不忍別相顧各  
徘徊徘徊雲起連沙陌千山雪滿青門白燕市  
當年竹葉壚舟人此日梅花笛素色全欺白玉



鞭寒鉞拂拭生龍泉飄飄似倍歸人思脉脉殊  
增別意憐去年送我冬尚早江南十月猶青草  
吳水秦關雪未飛春衫匹馬涪陵道今年送君  
冬已深天涯風雪故紛紛層冰翰海狐裘薄南  
鴈汀洲足暮雲帆檣遠指鄱江樹春光先滿君  
歸路鸚鵡洲邊柳向煙鳳凰山北花間霧巴西  
鸞弩夾周駢男兒奏賦蓬萊歸堂上老翁新白  
髮瓊枝綺席變征衣看君文章爛星斗看君意  
氣輕分手銅墨由來帶別離臨岐且盡樽中酒  
去時白雪翻馬蹄來時應見秋草齊相期已辨  
丹青地莫向家園事偃栖

閏三月苦雨東應見山太守

春光九十今百二百卉含妍皆作意此事無端  
不可期誰遣淹延雨如注往呼爲子具鷄黍擬  
傍長堤集遊騎邇來杜門空自嗟出砌苔綠生  
應蛙排風會是霧初啓羅畢還聞月生翳綺紈  
零落墮泥土坐惜年華水東逝人生百歲幾逢  
春容易花期如許去龍陽三徑遲良友隔鄰招



呼猶自滯寄書仲孺莫辭艱罵座相携惜繁麗  
明年春好卽無雨知爾分飛更何處

閔山僧行

樹頭鳥啼天欲曙山僧披策出門去耘苗種豆  
薄暮歸還脫泥衣了佛事君不見長安富僧懶  
且尊日高橫枕未開門檀施宮中及宦戚錦蒙  
櫺榼供朝昏佛書不識元字脚猶道風值靈明  
根是法平等爲佛子佛法那知亦如此但令木  
魚聲不死未必來生復似爾

郊行見竹

去冬無雨日已久春新兩度雷初吼伏龍起蟄  
老蛟怒乾土枯枝亦何有時施本是造化情寧  
知妨我郊郭行飛蓋飄搖衣桁濕青苔繡澁溝  
溜盈森森萬竹煙霏入蕭蕭百頃波濤清隨風  
急響驟相戛遙疑策馬馳平陵夜半度險聲械  
械號嚴令肅不敢驚河圖久隱鳳不至刷尾長  
鳴向誰是虛心會得吐龍吟戛玉鏗金亦何計  
須臾風靜雨且收獨立亭亭翠欲流絕代佳人



歷代詩選  
明王敬所  
三  
歛頰笑黛眉碧  
穀青釵頭霜粉未勻粧  
鏡澤錦  
彌半脫輕寒構  
望若可餐不可攬  
雲低野曠瀟  
湘晚故遊回首幾去留  
瀕洞埃塵白日短  
天桃穠李故應繁  
江影溪聲寂不喧  
敢辭側徑緣新篠  
還喜柴門護舊根  
群僚本約同茲趣  
曹君不來趙君去  
人生行樂會有緣  
斟酒向竹竹須醉  
君不見三分春色二分雨  
白頭對花眼目眯去  
年竹孫今竹祖有酒如  
澠肉如坻

玉龍洞

招尋度玉龍名傳自上公  
虛空度笙鶴險絕駕  
飛虹碑帶苔文綠流分桃水紅  
應有秦人宅塵心路未通

芳樹

綃幕對空林年芳感素心  
玉階聞翠滴珠履曳  
青陰影靜鳥飛繞香銷鸞羽沉  
未畏繁華歇春情幾許深

蒼梧舟中

忽忽歲云暮孤行尚客舟  
家將萬里隔身豈五



湖遊夷檝嚴宵析炎多廢薄裘江聲淥嘉月清  
影爲誰流

雨

風雨驚秋半鴻聲天外聞家園音信隔關塞羽  
書勤山晚留寒翠村墟入暮雲獨憐瀟瑟意作  
賦擬湘君

發建昌

行役不自得坐令炎暑侵溪山亦此路奔走獨  
行心鳥狎空村樹雲流隔水岑樊籠難適意歌

罷問知音

嚴陵祠

把釣人今遠惟餘水石幽草辭纈帛色江淥客  
星流交道明千古經綸媚一丘功成方辟穀應  
自笑留侯

寄留都鶴山年丈得告

看花携手曲江濱忽漫之官兩地分相憶同看  
清夜月乞歸新傍碧山雲春江柳色牽吳棹秋  
省蘭襟握楚芬想到翠微登陟處知君應亦念



離群

宿碧雲寺

春遊瀟灑入空林  
杏閣瑤臺澹夕陰  
未向塵緣窺色相  
還將水月證禪心  
出雲孤磬龍池寂  
承露千花鶴徑深  
高枕此時殊自念  
浮生荏苒對華簪

夏至齋居

齋明祀事共千官  
省署幽情足自憐  
日午鶯聲縈樹出  
霧濃花氣隔林傳  
靈辰琮璧占秦史  
泰

時金壇擷漢年心格未須勞

聖駕侍臣無復

賦甘泉

立秋

玉瑄京生戀夕暉  
戍樓遙漏故依微  
氣蘇稍減羈人病  
木落應知塞鴈歸  
榆星歷歷連晴闕  
槐月輝輝鑑薄帷  
因憶江南秋亦早  
風光此日報山薇

七夕

露涼河漢迥無氛  
仙侶言歸度彩雲  
一水相望



秋始合隔年歡緒曉仍分鵲橋波暖遲星使牛  
渚霞明染絳裙天上佳期當此夕人間應有嘆  
離群

桂江舟泛贈送潘汝信姜重明袁期躍三  
友

粵臺分席待談經祇事思家速去程歲晚不堪  
人遠別江空况有鴈歸聲暮雲簫鼓移湘岬驛  
路煙花媚楚城萬里一尊相念處功名應未盡  
書生

遊玄風圃見梅花

名園久惜賞心違忽漫梅開已半飛時序暗傳  
天外信物華頻換客中衣雪移疎影臨丹洞月  
伴香魂引素妃寄語東風吹莫盡爲留孤萼占  
春暉

藤江舟中

東征長路戀春暉簫鼓乘潮歷野扉山月似隨  
孤客棹江雲長護釣魚磯朋遊到處多分散邊  
信無時有是非萬里未須悲壯志一官還自惜



名微

又

客行音信不聞家獨向孤舟度歲華  
迎水煙光分岼柳隔村燈火雜江花  
榜人夜語驚灘險估客朝行狎浪賒  
滿眼風波堪係念更教吹笛傍天涯

安肅縣阻雨柬許子春

遄征二月未朝天祇事孤城尚獨延  
暝雨似爲羈客急河聲全抱漲流懸  
玉墀舞影瞻雲蹕

金鑑緘題理素編會是鍾期同寂寞  
好將琴曲傍秋傳

登泰山

青旆蒼虬肅帝居長虹此日上空虛  
千巖際曉光疑動萬里蕙秋望轉舒  
金仙鹿駕餐霞後玉女鸞笙帶月餘  
聖朝別有明禋薦不向相如問禪書

玉皇嶺

百丈丹梯躡最高天風獵獵起衣綃  
玉函苔合



迷秦宇石洞雲深翳漢茅樂聽帝闈非俗韻望  
收羣嶽亦兒曹壯心欲捫奎辰落散作文章向  
魯郊

出宿慈仁寺憶舊同遊王學甫吳峻伯吳

子實

初辭紛薄向雲林今夜殊能得此心鐘磬兼秋  
自清越松梧度雨轉蕭森僧因舊識名會記情  
憶同遊感易深歸來夙有祇園約祇事風塵各  
陸沉

雪中宴惕齋寇憲伯宅和萬履菴僉憲韻  
霞標星使他年事素幙雲軒此日乘壯志天峰  
窺絕壁旅情江郭共寒燈背人鴻雁隨時遠結  
佩芳蘭對酒澄却慚三十迷心在猶自登壇學  
法僧

寄李一吾在告

蚤歲相期共掛冠俄傳疾足竟爭先十年名在  
寧俱隱萬里身輕始自全如縷茶煙依竹試半  
痕紋簾傍花眠馳驅祗恐雄心在對酒休歌伏



櫪篇

午日石蓮洞中呈念菴先生

江上停橈問草堂佳辰况復是端陽蒲觴時序  
聊同俗蘭佩衣襟剌結芳雲幄半開蓮洞曙月  
波平浸石牀涼絕幽秣恐全忘世故學人間着  
住房

真仙誰幻石爲蓮萬朵平開一洞天稍事芟除  
留地骨寧加斧鑿見天然宅鄰虎豹餘青壁標

薄星辰護紫煙誦讀年來堯舜事桐江原不異  
莘田

上疏乞休

萬里移官向粵天薄遊曾憶十年前花逢道觀  
人非舊路過長沙客是遷欲寄鄉音那有鴈不  
歸家食爲無田道之將廢應緣命好謝臧倉爲  
着鞭

廿年未報主恩寬老死蓬蒿亦豈甘顧我不堪



猶有七幸然宜黜未經三輕裘終豈屠龍手列  
戟殊驚捫虱談從此日高橫臥枕靜聽床蟻戰  
方酣

寄謝張見吾惠問

積雨長林慘不開平臨萬木際蒼苔樓空潭近  
有龍住寺古溪深無暑來著書興爲忘言計煉  
藥方從得訣裁赤松真是留侯伴時向桃源問  
使回

上巳日集藩臬長貳流觴灤泉別何憲副

寧蘭滌垢記何年祇愛春深百卉妍岱嶽晴嵐  
天外出突泉飛雨席間懸茂陵未就登封草越  
嶠終賡襖飲篇標榜江山吾輩在可容分散逐  
華鮮

漫興對雨

蚤歲披圖憶洞天每於微纒間因緣上書北闕  
寧辭再散跡西疇敢待年銅柱虛無親瘴海玉  
關牢落冒風煙拂衣今日能懸榻應許桃花遡  
碧漣



又

八峰雙澗鎖岩堯樓瞰雲達見石橋金界渺茫  
參此日玉函磨滅認前朝寒扉歸鳥催僧磬獨  
樹斜陽襯野樵正恐默存過寂寞故教飛雨夜  
蕭蕭

又

昔遊佳麗非無地次寂其如入最深懸瀑玉龍  
千嶂濕挿天蒼蓋兩溪煙陰清時學偷生事靜  
夜焚香半死心羽翰白日隨緣得不向人間嘆

陸沉

至貴溪謁象山祠因登三峰山頂時諸生  
從行餘千諸生適至歌聲齊作

雨霽郊原落日昏隔林沙渚未全分葛溪漲映  
驚濤雪龍石苔深纈露文謾解塵纓臨定水且  
將歌韻薄行雲諸生莫訝幽尋劇野性從來鹿  
豕羣

送胡練溪尊師得告扶持南歸三十二韻  
省閣崇丹地簪纓重夕郎晝遊移寵錫晨省足



輝光玄草經年就英名早歲揚紫微聽玉漏鳩  
鵲儲封章神降申邦嶽靈鍾蘭渚祥傳鳧凌海  
邑倚馬奏長楊枳棘停鸞翼箕箒當借鳳凰霞標  
三月迥雲樹五溪長儒雅安仁並風流宓子方  
帷曾奉曉日政已茁春桑竹馬兒童騎冰餐侍  
史將詞驚鸚鵡麗劍擁鸚鵡芒輟策丹砂地飛  
翰紫禁傍虛無瓊闌路清切掖垣堂倏賜蟾蜍  
硯仍鳴螭陛璫珥貂分曙旭豪鬼飽秋霜星漢  
看霄直更籌問夜央帝裾三殿引龍色九重望  
白髮歡全待青門樂暫張輕莢榮複道溫液下  
河陽御柳將舒綠宮鶯未囀簧恩從天上出人  
向日邊颺廬嶽元分楚清江舊入湘擲輿疑洛  
市負弩卽巴鄉青鳥瑤池信緋桃壽域觴五時  
衣是錦雙饌桂爲糝墨潤餘水璽函光剗御香  
吳潮隨鶯檝燕雨拂牙檣立雪聞餘緒吟風對  
曉裝悵然憐夙昔去矣若參商藉草依驪席分  
蘭握楚湘家園休戀彩堯舜待垂裳

送李一吾年兄之湖廣叅藩效劉禹錫竹



枝詞

九江渺渺際春煙三月桃花浪拍天壯遊好認  
風波色莫倚龍宮夜泊船

又

君才自合可經時山澤癯人久自知他日題書  
問幽寂檣溪橋對薜蘿垂

山僧

山上斜陽山下歸鉢中有飯竈煙微山僧食罷  
渾無事漫啓松窗補衲衣

壬戌六月望日包子瑞刺史邀使君陳水

部金何二刺史暨余泛蓮池時皓月新  
霽歌鼓中流爲賦蓮舟曲

畫船宛轉入花深葉暗花繁不可尋墻角微風

聞遠唱時時能作水龍吟

又

使君新解利名羈故着池船學子皮醉起兀然  
成獨坐倩教花影作西施

前村月照



歷代詩選 明王敬所  
不盡寒流落淺沙倒懸飛塔影雙斜初鋪月色  
江纔半一棹漁舟出荻花

寺鐘

巖際夕陽歸鳥入渡邊雲暗野航收鐘聲數點  
高峰出斷送青春到白頭

石倉十二代詩選

四集卷百十一

太岳集

大明

江陵張居正著  
後學曹學佺闕

恭勵

聖學

元后輔萬邦綏猷良不易若稽古哲王多聞乃  
建事堯舜帝者宗精一闡微義夏禹既祗德殷  
高亦遜志成后務緝熙周詩詠小毖猗與休烈  
光英聲播來嗣今皇體睿明冲齡纂神器爰  
當訪落初卽敞金華秘書帷簡儒彥藝圃覃文



思朝旻不遑暇寒暑靡暫離寰宇仰休明風雲  
慶遭際顧以謏陋質無能補天地願言崇 聖  
功問學登純懿勿云天聰明無爲事博識圖書  
足自娛兼之益神智勿云富春秋茂葉聊可諉  
寸陰重逾璧居諸易流駛勿云履崇高優游保  
天位君心苟縱逸萬幾遂顛墜勿云當燕閒可  
以快志意一暴而十寒細行終爲累戒彼鴻鵠  
心專精道乃致瞽御必端良勿狎於非類爲山  
九仞崇成功歸一簣慎初惟克終永保無爲治

愚臣職司規敢以告中侍

東李鶉野

同居長安城累月阻談讌雖無簿領急嬰此微  
痾患日夕想音徽躊躇夜參半况茲霜霰積淒  
其歲云晏靡靡衆芳萎萋萋物候變已愴世慮  
嬰兼之越鄉歎非君慰寂寥幽思何由見

述懷

豈是東方隱沉冥金馬門方同長卿倦臥病思  
梁園蹇予秉微尚適俗多憂煩側身謬通籍撫



心愁觸藩臃腫非世器緬懷南山原幽澗有遺  
藻白雲漏芳蓀山中人不歸衆卉森以繁永願  
謝塵累閒居養營菟百年貴有適貴賤寧足論  
朱鳳吟  
朱鳳失其羣十年不得雙早棲漢官樹獨啄瑤  
草芳羽族雖萬類誰可相頡頏西來見王母假  
我青鸞皇翳我上太清飄飄浮雲翔竹實已干  
載脩梧蔽扶桑窮覽週八極遨遊仰三光仙遊  
誠足娛故雌安可忘

同汪雲溪太守李龍洲侍御劉百洲太守

錢羅湖州守岳東潯別駕登懷使樓

丹樓造天君遐瞰靡不周江聲動地轉楚岫與  
雲浮索處獨無緒騁望且銷憂况茲遘芳月欣  
賞籍名流輕烟翳華薄時雨霽芳洲灌木鳥嚶  
嚶飛鳴求匹儔景物旣葱蒨嘉會亦綢繆但恐  
濛汜夕餘光不可留風塵暗滄海浮雲滿中洲  
日極心如怒顧望但懷愁且共恣嘯歌身世徒  
悠悠



雨霽遊蕭氏園亭

端居苦滯鬱振策憇雲林夕雨盪氛埃惠風扇  
輕陰以茲景色麗翛然生遠心披榛尋徑曲排  
雲眺嶠嗽樛松宿烟靄延蘿挂襟簪江花送餘  
馥山鳥懷好音仰欣天宇濶俯視萬卉森洗觴  
幽樹底長嘯白雲岑折蒙霏瓊屑濡毫動蘭吟  
日夕車馬散林塘紫翠沈

夜熱曲

朗朗宵月流爛爛河星光晝樂苦不足夕宴啓

高堂旨酒千春醞瓊筵百福香清管發東謳豔  
舞進西倡綺羅紛雜遯言笑吐衆芳明珠垂列  
璧錯落黃金釭千金壽客飲萬年酬玉觴薜華  
耀朝日奕李熙春陽月魄不重盈花落豈再揚  
悟彼蟋蟀歎爲樂及時康朱光發東白歡虞方  
未央

瀟湘道中

江南佳麗地靈境信隈隩連峯造天關石笋插  
雲足我前擁烟霞我後映松竹飛竇酒征衣山



歷代詩選 明張大  
光盪人日朝採碧澗藻夕息清湘曲側想素心  
人浩歌渺空谷逸駕如可從吾當謝簪履

祝融峯

祝融羣峯表崔嵬萬古雄采虹挂井磴逸若升  
蒼穹舉手捫太微天關洞開通璀璨南斗星垂  
珠當我胷俯瞰六合內沆瀣烟雲重浩如太始  
初二氣涵冲融須臾滂陽景倒挂扶桑東瀛海  
不復辨三山安可窮寄謝馭風子吾將遊混濛

人日對雪贈朱鎮山

今日良宴會噓瑄測候移况逢春風起吹雪下  
瑤墀九達密如繡雙闕影離離烟郊亂晴絮遠  
樹放華滋佳此景色麗嬾婉靚心知且爲陽春  
吟願子驅車遲驅車雪上飛下車冰已泮翹首  
望高高遙遙隔河縣仙花行可采汴柳看應情  
窮谷旣晞陽東人亦待旦戀侶徒搖搖驪駒安  
可絆仰攀瓊樹枝聊以贈繾綣  
金遼左奏捷東王  
長白山前晝傳箭鮮卑羯兒騎如電軍書昨夜



馳樂浪 天子登壇策飛將羽林六  
材雄 縱金伐鼓蒲河東左馘明王右生虜歸來血染  
寶刀紅胡笳吹落關山月捷書飛報承明闕洗  
兵遼陽海水沉立馬天山陣雲沒  
皇恩已讐 五單于小醜那復憂東胡將軍超距稱雄畧制  
勝從來在廟謨

元夕行

今夕何夕春燈明燕京女兒踏月行燈搖珠  
張華屋月散瑤光滿禁城禁城迢迢通戚里九

衢萬戶燈光裏花怯春寒帶火開馬衝香霧連  
塵起絃管紛紛夾道傍遊人何處不相將花邊  
露洗雕鞍濕陌上風迴珠翠香花邊陌上烟雲  
浦月落城頭人未返共道金吾此夜弛但愁玉  
漏春宵短御溝楊柳拂銅駝柳外樓臺雜笑歌  
五陵豪貴應難擬一夜歡娛柰樂何年光宛轉  
不相待過眼繁華空自愛君不見燕臺向時歌  
舞人歌舞不聞明月在

菴溪書屋



澗濱子少年卓犖稱經綸五言下筆如有神手  
握隨和不易售十年閉戶斲谿濱斲谿繞澗春  
流浦靈境高踪兩幽絕載酒難尋楊子亭尋源  
豈識秦人宅三十作賦登君門鳳凰在笈雀在  
軒金花瑤草秘幽室白石蒼苔空履迹

寶劍篇

君不見昔時歐冶鑄雙劍乃是赤堇之金若耶  
之銅玄鼎烹煎自帝髓洪鑪鼓蕤炎精融冶開  
龍扇欵揮霍青天倏忽飛長虹神物變化世叵

測誰知埋沒豐城側鹿盧剝落苔蘚暗竈藻朦  
朧土花食忽如赤道霾妖氛蟾闔金精太陰黑  
司空仰鑿斗牛精冥漠千年竟合并劇起幽泉  
扉雪冷洗開殘暈玉華明握中科斗深深見匣  
裏蛟龍夜夜鳴扶風豪士吳門客見此愴惶喪  
精魄荆卿匕首色黯淡越國流星氣蕭索五都  
聲價詎能測一諾慙慙重想結提携西向蜀關  
道萬里烟塵淨如掃山中野魅走慄惴水底長  
鯨欲奔倒至寶由來有冥契烈士得之壯懷抱



君不見平陵男子朱阿游直節不肯干王侯却  
請上方斬馬劍攀檻下與龍逢遊丈夫礪礪貴  
如此何能燼齷混泥滓看君倜儻負奇槩贈此  
相逢慰知己尊前舞罷玉龍飛一道寒光迸江  
水

漢江

漢江東流風作波南船北檝愁經過舟師縮手  
抱雙槳對客唱公無渡河襄陽渡頭春可憐襄  
陽城北花含烟大堤高樓酒初熟歡吟且駐水

蘭船

春

紫陌晴雲靄青郊淑景新穠花爭笑日好鳥亂  
鳴春卷幔湖光入鋪茵草色勻芳菲分帝苑發  
育總皇仁山鎖秦人里烟迷樵客津隔林催布  
穀 聖王正歌幽

夏

萬頃烟江濶千章灌木榮盤渦深浴鷺密葉暗  
藏鶯原野雲爲嶂河洲柳作營遊鱗牽荇亂舞



燕掠花輕雨氣消煩暑山光送晚晴皇風披宇  
內不借五絃鳴

秋

清商臨素節江上起層陰蘆葦芳洲靜芙蓉曲  
徑深秋聲動幽竹涼意入疎林過雁黃雲影殘  
蟬碧樹音露華全綴玉菊蕊半舒金爽氣長空  
淨披圖鬯霽襟

冬

祈年勞聖慮瑞雪積瑤臺野竹凌風勁山花破

臘開草枯霜隼奮林暗暮鴉來汝國人方臥衡  
陽雁未回暖催燕谷黍寒盡隴頭梅會見青龍  
轉春風遍九垓

泰陵春祀

孝帝藏靈地千秋寢殿崇當年聞鑄鼎此地想  
遺弓 聖澤流寰宇神真妥闕宮山河春寂寂  
松柏鬱葱葱王筮晷光合金燈夕照空幸來陪  
展祀瞻戀五雲中

梅花開有作

梅花開有作  
四集卷百十一  
二百五十五



淨舍梅花發娟娟挺玉姿猶憐殘雪在故傍煖  
雲垂地僻塵逾遠簾疎影並移馨香祇自惜攀  
折欲誰貽客有廣陵興邀題東閣詩春愁依墮  
葦鄉思繞南枝擗管那能賦尋芳似有期孤英  
聊足對湯向笛中吹

栢亭

手植凌霄籐葱葱口數尋蕭森含野氣蒼翠落  
庭陰坐處雲團蓋吟成月滿林栽培元有意霜  
雪竟難侵影接松峯暗香分桂苑深幸承玄景

蔭長伴歲寒心

牧童騎牛吹笛

是處桑麻好田家樂事同耕犍間白晝牧豎趨  
春風短笛乾坤裏長林烟雨中命儔還慰籍相  
與說年豐

賦得玉河水泮

御澗開凝凍春波遶苑墻碧搖宮柳色紅映曉  
霞光噴浪知魚躍連雲下鷺行漸看新漲湧幾  
曲碧流長



秋夜感懷寄欽之

海月稍稍落簷蛩細細吟芙蓉秋色老鼓角夜  
堂深峽水遠長笑江魚滯好音疎庸隨畫省燈  
下愧華簪

秋夕省直

涼颼何嫋嫋秋入白雲司爲讀騷人賦翻增旅  
客思蟬聲咽高柳暝色下疎籬搖落關山月清  
笳晚更悲

送汪遠峯太史省親

紫閣朝陳疏青藜夜輟書里應誇結駟歸及薦  
江魚剡曲瞻雲近庭闈愛日舒南陔如可續莫  
爲賦閒居

咏虎丘圖

野草荒吳殿浮圖出梵天雲霞通海氣樓閣瞰  
江烟林暝涵秋色巖懸想瀑泉未能窮遠跡懷  
古一凄然

莊敬太子挽歌

鶴馭凌霄漢龍樓鎖寂寥空悲仙路杳無復寢



歷代詩選 明張叔大  
門朝綺季辭金輅浮丘侍玉霄惟餘鳳笙曲猶  
逐白雲飄

送張少渠之鄞

客路悲千里離旌指四明風烟連澤國秋雨緩  
王程迢迢雙鳧遠翩翩一鶴輕碧雲搖落候相  
送若爲情

初秋

搖落憐鄉思居諸感宦遊葦鱸江國渺砧杵漢  
宮秋步月愁看影瞻雲愛倚樓有懷吟不就風

色晚颼颼

宿裕州候晴

一雨遍霖潦長途車馬稀霏霏猶合憶幕幕欲  
侵衣官舍鳥聲寂郡城山色圍結軌候明發沈  
雲殊未歸

月下懷曹紀山侍御

子夜鐘聲徹高秋露氣滃海風吹月白流影向  
人明笛怨關山遠寒催砧杵鳴不知烏府客茲  
夕若爲情



送朱文石使楚

雪裏年華改青門柳復新  
可堪長作客還對欲  
行人驛路啼鶯合汀洲  
芳草春數宵有飛夢先  
爾到江濱

重遊蕭氏園亭

結搆憐幽僻雲門網薜蘿  
祗愁迷徑術何意屢  
經過野食供蔬茗山衣  
葺芰荷還期卜鄰並時  
共盼庭柯

方廣寺宴坐次念菴先生韻并致仰懷

幽棲何所託長與薜蘿期  
聽法過祗苑皈心禮  
大悲壑晴雲起處松  
暝鶴歸時此意人先覺  
吾來已較遲

訪大方禪僧次念菴先生韻

烟雨曉微微山堂未啓扉  
花壇分石髓苔壁挂  
雲衣揮塵頰聞難停輟  
已忘歸曹溪一宿後真  
覺夙心非

送毛青城謫滇南

客有相如倦心耽揚子玄  
浮名看自薄謫宦轉



悠然別袂分春色題詩隔暮烟從來富詞翰到  
日百蠻傳

送田青丘之南雄兼寄拒山先生

銅柱天南郡懷君萬里行海波浮地澗嶺樹入  
雲橫風壤甌閩近冠裳錦里榮還家見康樂春  
草句還成

送徐太學國式歸省

三禮知名久遊雍業更精君能傳戴聖予獨愧  
陽城魚膾思親饌鶯歌亂客情漢儀如可就先

聘魯諸生

九塞稱臣

幕南秋色靜王庭月滿邊關夜不扃北地胡兒  
能漢語西陲苑馬盡龍形屯田督護休乘障破  
虜將軍早勒銘干羽兩階文德洽九重端拱  
萬方寧

黃鸚鵡

曾隨大士翔南海今奉 慈顏集上方色借銅  
龍增氣象影搖金鳳共輝光含靈省識三株樹



歷代詩選 明張叔 詩  
解語能稱萬歲觴不信黃中符地德爲看仙鳥  
應休祥

玉兔

冰輪高挂碧雲端玉質身依玉宇寒萬里山河  
天外過千秋宮殿鏡中看吸殘桂露花長在擗  
就瓊霜夕未闌已伴嫦娥遊帝闕更隨王母奉  
仙丹

送羅北部守寧國

鳴蟬落木玉關秋愁見河梁一葉舟雲物共憐

燕市客風流遙憶謝公樓鯨波橫海魯多事虎  
竹分廷借遠籌二十二峯明月滿思君當在最  
高頭

壬戌七月望夕初幼嘉陳子嘉二年兄過  
訪次韻

壬戌秋光此再遊紛紛涼月玉觥浮關中寒杵  
星河動塞外清笳几席秋二妙相過憐北極雙  
魚寧惜滯南洲狂歌嫋嫋天風發未論當年赤  
壁舟



送初幼嘉年兄還郢

黃鶴樓中憶舊行  
白蘋江上此離觴  
天邊日氣殘鳩鵲  
帝里星華照鷓鴣  
燕士從來先郭隗  
漢庭那得老馮唐  
思君何處堪情切  
草色青青滿建章

秋日集魯工部宅得天字

暝色城隅殊可憐  
西風搖落轉淒然  
三年萸菊逢燕市  
七澤椒蘭憶楚天  
海上素秋看碣石  
尊前白雪自瑤篇  
邀歡最愛揚雄宅  
此日相將更

問玄

送翁雲松琴士還浙

幽人結屋東華頭  
鬱鬱松陰四壁秋  
一點浮雲落天外  
片帆風影挂江流  
廣陵新調驚玄鶴  
涓水長竿起白鷗  
歸去不堪千里道  
山陰夜雪滿孤舟

塞下曲

九月西風塞草殘  
胡沙黯黯點征鞍  
一聲羌笛吹關柳  
萬卒雕戈擁賀蘭  
都護長纓勤廟畧  
單



歷代詩選 明弘治大 卷六 二百三十三  
于遠道伏長安  
漠南坐覺烽烟靖  
天漢嫖姚可  
易看

懷魯水部

郭外衝泥野雪侵  
別君之後思逾深  
登臨不分  
題橋興咫尺  
何孤入社心  
寒榻一春應  
鹵莽芳  
尊幾日復招尋  
匣琴莫向雲岑鼓  
怪聽山中有  
鳳吟

中秋前再過吳侍御得陽字

霜空征雁送斜陽  
涼月紛紛滿建章  
影落明河

搥彩筆光浮太液  
照霓裳梧桐驚墜  
燕山老橘  
柚因懷楚澤  
黃望後清光還  
自倍天門那惜  
更飛觴

李石麓晉翰學入直撰文遙賀

魚珮初懸入禁闈  
冰銜新寵奉  
恩輝沉香花  
發仙人藻雲錦  
裁成帝女機  
直禁曉瞻温  
樹近退朝宵捧  
御蓮歸上林  
有鳳棲梧竹  
却放冥鴻海外飛

元日感懷



歷代詩選 明張叔大  
青鏡流年惜暗移江湖潦倒負心期被嘲楊子  
玄猶白未老安仁髻故絲直北烟雲占斗氣隔  
江梅柳媚春姿閒愁底事淹芳序且盡尊前栢  
葉卮

留別新鄉方大尹

迢遞雲山十日程旅懷真爲故人傾夜燒紅燭  
催春酒曉借鳴琴寫別情官舍柳青縈去旆河  
陽花滿送啼鶯天涯離合堪惆悵愁聽行歌唱  
渭城

與王送譚少石之湘鄉

別思迢迢不可任湘江湘浦碧雲深春湖水泛  
菴花色沙岸烟含苦竹陰鼓瑟幾聽江上曲登  
樓一寄日邊心青霄遲雨雙鳧翼弔古休爲楚  
客音

雪中招友

東風吹雪迴生姿小徑花分玉樹枝陰合野雲  
愁日暮凍含宮柳訝春遲多情未減山陰興寂  
寞能忘北郭思已辦香醪供晚醉莫辭泥濘負



心期

九日宴汪年兄宅得清字

風物淒淒秋滿城  
况逢佳節不勝情  
雲明遠塞翻鴻影  
霜入疎籬見菊英  
海內弟兄歡促席  
天涯踪跡自飄萍  
未嗟萬里長為客  
坐對萸尊笑語清

送林儀部視楚學

少年蘭省藉時名  
南國儒臺簡命榮  
敷教祗遵虞五典  
傳經曾擬漢諸生  
鶴飛碧漢樓還古  
龍

起湘江水尚清  
鳧蹕勝遊今十載  
因君重憶楚

山程

水齧平隄沙岸回  
野田空見荻花開  
江濤挾雨秋仍壯  
燕雁衝寒暮獨來  
歲晚風霜歆客枕  
夜深燈火傍漁臺  
悲時亦有江南賦  
愁聽荒城鼓角哀

泊漢江黃鶴樓

楓霜盧橘淨江烟  
錦石遊鱗清可憐  
賈客帆檣



雲外見仙人樓閣鏡中懸  
九秋槎影橫清漢一  
笛梅花落遠天無限滄洲漁父意  
夜深高咏獨  
鳴舷

孤登山居

林深車馬不聞喧  
寒雨瀟瀟獨掩門  
秋草欲迷元亮徑  
清溪時遶仲長園  
蒼松偃仰雲團蓋  
白鳥翻飛雪滿村  
莫謾逢人語幽勝  
恐驚樵客問

桃源

張賦病懷

白雲黃鶴總悠然  
底事風塵老歲年  
自信任公滄海客  
敢希方朔漢庭仙  
離居可柰淹三月  
尺疏何因達九天  
獨坐書空不成寐  
荒蕪虛負北山田

七夕詠戲呈曹紀山館丈

河漢佳期已曠年  
人間天上兩相憐  
雙鸞暫照今宵影  
一水還尋隔歲緣  
涼入畫屏秋渺渺  
光搖銀燭夜娟娟  
誰知更有嫦娥冷  
獨閉瓊樓只自眠



歷代詩選  
明張赤  
對菊

客愁何意玩芳菲  
祇愛幽香冷浸衣  
物色暮看秋後景  
寵光晴借苑邊暉  
餐聞楚調心還折  
採向東籬願已違  
今夜一枝聊對汝  
並憐孤影月中微

山田應制題畫漁人

生綃寫就錦江鱗  
彷彿舜波上釣綸  
見說周王歌在藻  
願歸靈沼泳皇仁  
白雲應制題畫馬

神駿元從西極來  
權奇傲儻是龍媒  
君恩放與眠芳草  
騰達終須萬里才

漢江古意

漢江東流風揚波  
南船北船總經過  
舫師縮手抱雙槳  
對客唱公無渡河

其二

襄陽渡頭春可憐  
襄陽城北花含烟  
大隄高樓酒初熟  
歡今且駐木蘭船

石倉十二代詩選

四集卷百十一 終

歷代詩選

月長又七

四集卷百十一

七



歷代詩選

明弘治

年

卷百一十一

四集卷百一十一

...

其二

...

...

其二

...

...

石倉十二代詩選

華陽館集

大明

吉安朱儀望著  
後學曹學佺閱

潘黃門岳羈宦

夙抱濟物情早從大府辟嬰心職務間勞瘁詎  
遑恤栖遲踰十年日月忽如迫良無速進階庶  
抱嘉遁迹入徙官尚今屢試拙猶昔處賤類瓠  
棄居下同薪積閒居抒微情吾志將焉適

左記室思招隱

歷代詩選

明弘治

四集卷百一十一

一

二百六十五



杖策遲明發云往西山岑山路鬱迢迢行行勞  
我心澗壑流潺湲樹木何蕭森雲構旣鬱紆靈  
巖亦巖歛美人出遨遊清風吹衣衿紫芝以療  
饑玄鶴相與吟我欲從之遊庶幾託同襟脫簪  
未足恡微願良所欽

張黃門協閒居

伊余值季亂處世多苦艱恬淡有本性屏跡歸  
舊山詠賦聊自娛偃仰巖壑間誅茅結幽亭仗  
策一躋攀流雲候簷宿飛鳥當戶還羣木謝芬

芳石瀨激潺湲忽儼大夫綬造論驚塵寰豈不  
懷嘉惠顧已多蒙辱稅駕從所好願言閉玄關

鮑叅軍照戎行

生長東海上行歌東武吟小子起田野個儻懷  
遠心朝臨大行道暮宿雁門陰俠客何翩翩脫  
駕遠相尋中夜起長歎慷慨發哀音四海旣鼎  
沸中原亦陸沉委身事戎行捐軀誼所欽功名  
不早建荏苒年鬢侵相如歸趙璧仲連却齊金  
斯人去已久淚下沾衣襟



謝諮議眺臥疾

端居養營竟况此嬰愁疾剖竹江海郡偃臥烟  
霞室既欣丘壑情便此樗散質結茅俯層巒列  
疏延初日空江匹練明疊嶂網烟密曠懷亦何  
云沉痾忽如失彭殤齊所歸憂喜塗非一愴往  
慮自輕惟來意難悉寤彼山中人被服蘿與薜  
脫簪豈不懷始願未及畢終當謝人徒深衷於  
此述

深夜有懷親知

秋清已可娛况此深更月中天玉鏡飛漸見銀  
河沒因之念故人渺焉隔吳越祗爲世網羈  
惟晤何由發盛顏幸自持春草秋已歇努力嚮明  
時豈必云干謁感此衷如焚終夜凋華髮

半塘遲所知

言尋扇丘賞閒憇半塘閣披豁塵外襟悠然眷  
林薄初夏暑氣昏吏事日紛錯繫匏非我衷求  
羊已相約解帶懸林梢舉觴聊獨酌遲我同心  
人相過臥雲壑



初去吳門作

營世無疾途筮仕獲下秩縮綬出明邦感懼情  
非一雖抱濟物情良缺經世術簿書日紛紜督  
賦無寧日覩茲民力艱焉忍事桎梏淳風古已  
頽文質相毀蝕慙無下堂化何由示師帥直道  
旣已危降志還見嫉沉憂結衷腸能不慙三黜  
徵書來日下濫此樗朽質新恩詎云辭夙抱未  
及畢驅馬出郭門寒風正蕭瑟道傍凍餒人對  
我長歎息慙慙謝父老聊以微衷述

感秋

驅車舜鄉邑弭節河東道端居滯炎燠昕夕傷  
懷抱茲晨撫前楹涼思亦何早蟋蟀候東壁金  
氣應西昊隴塞鴻雁征邊庭木葉掃感此欲何  
云客鬢愁將老緬懷滄洲間茅屋生秋草

遲野狐亭感秋作

少秉曠達情名區日偃仰一從宦名途遂廢丘  
壑賞偶此出遨遊聊爾謝煩鞅泉池何寥泐亭  
館亦疎敞秋風入林木葉落泉迸響睠懷俯層



歷代詩選 明宋陽山  
楹延攬觸幽爽流雲蕩軒閣斜日淡疏幌葵榴  
夾路稀榆柳蔭堤廣游魚衆澆瀦浮藻相依莽  
撫景眷深懷因之愜遐想棲遲白鹿遊迢遞赤  
城訪達生如可希長嘯出塵網

舟行晚霽命酌寫悰

微雨霽空濛輕烟歛洲渚乘流坐超忽決滂竟  
何許羣峯江上明孤舟澹容與遡迴亦何從舍  
意不得語呼酒對疎林扣舷歌白紵佳期曠不  
併搔首徒延佇

送宗書上人赴少林寺任持

我昔遊名山徘徊嵩陽側蒼然古栢林云是漢  
皇植穹碑頽荒丘苔蘚半封蝕巡遊事已非秋  
風何悽惻脫駕依精廬琳宮相蔽翼焚香謝塵  
緣萬念俱已息別此踰三載夢寐何由卽竭來  
趨京都山寺日游陟邂逅兩名僧超脫如舊識  
睠言嵩洛游明發出鄉國總持西方教一歸清  
淨域大道無因緣真空非相色願將萬法門普  
度衆生惑嗟予學道久反躬未能得卽欲往從



之其柰迷所職緬懷三花樹採之可服食爾其  
理舊關吾將從釣弋

早春山中閒眺寄所知

伊人亦何爲終歲苦拘跼春來幽思多携步遵  
山麓園林物候改縱目愜遐矚垂楊漸堪把芳  
草紛已綠巖壑有餘情黃鳥時斷續欣聞樵采  
吟彷彿紫芝曲佳人隔湘浦何由覲芳躅持此  
贈無因地遠不能縮拊心但沉吟引領冀來勗

詠庭下芭蕉

山深暑氣薄睽言散流矚坐見蕉葉長庭砌冒  
新綠卷心委時節垂陰何煩縟夜雨滴空堦簷  
際映初旭此時深思婦淒其攬心曲愁來不成  
懽腸斷那能續草木有本心懽然徒相觸達人  
理其芬何爲自迫促朗誦莊生言齊物等榮辱  
咄嗟復何云長嘯從吾欲

秋日閒居

閒居信爲適况此林壑幽山氣日夕佳颯然驚  
杪秋天高物候肅夜靜雲霞收夙懷滄洲趣始



願於此投青天何寥泬涼風生遠愁俛仰有深  
懷欲往東海遊心跡罕能兼道路阻且脩懷哉  
於陵子灌園有餘休

曉發東安

肅徒戒晨征凌寒發北郭凝霜被原野淒風捲  
林薄烟霏迤微滅朝曦漸東作樹木何蕭條晴  
光宛如昨我行亦何勞所至問民瘼衣帶不及  
整吏事日紛錯所賴年歲登場圃有餘穫頗聞  
田里間斗酒相娛樂蹇予薄劣軀夙昔負然諾

功名不早建歲晏悲摧落短袖豈善舞鉛刀豈  
善削時命與我違何爲自羈縛安得凌風翰高  
起翔寥廓

月夜

明月下庭樹樹影何離離霜寒樹葉落嗷嗷鳥  
夜啼寒帷鑒月色仰視夜何其時序互淹忽人  
情紛路岐徒倚步前除中心多所思佳人渺何  
許遊子暮焉之歲華復摧落悲傷良在茲

自樂城趨栢鄉



屈平詩選 明 牙 陽 口  
朝發欒子邑暮投栢人鄉驅車多所經指顧情  
內傷燕趙昔吞併四海如沸湯豪俊相馳騫一  
言決興亾故壘何蕭條云是古戰場俛仰今昔  
間沉痛結衆腸纍纍道傍塚誰辯愚與良燕昭  
既不存平原客久荒不見黃金臺樹木鬱蒼蒼  
息駕暮雲沉感歎彌難忘

哈峽舟中書懷

夙齡戒垂堂跬步循矩矱一從仕宦途涉歷多  
險愕閭山鬱嶽崱合沓埋雲壑奔流闖嶮巖石  
泐相紛錯遡流驚榜人客懷良已惡豈無去國  
憂還家且云樂咄彼浮海歎允踐滄洲諾

游梅仙山卽漢梅福隱處

白雲在深山山深轉空翠古木凌飛烟叢竹亦  
森邃梅公隱何時漢道昔云季當其抗言時鼎  
鑊寧足畏一斥眇何所去作南昌尉茲山信超  
曠盤鬱多佳氣幽棲亦何爲豈不以我貴一朝  
變姓名掛冠從此去新舊相太息妻子不知處  
余亦骯髒人誤觸當時諱見幾苦不早撫已有



歷代詩選 卷之八 八  
深愧永願謝塵緣長往從吾志

遊武夷

迴車入溪口停策理輕舟輕舟何容與棹歌發  
中流懸崖夾兩岸上與烟雲浮蒼翠忽中斷詭  
異類神鏤應接自不暇舍舟恣遨遊登頓竟忘  
疲歷覽窮遐幽巖洞多仙蛭靈草何脩脩下視  
三千界渺焉隔神州去去亦何云吾道已滄洲  
憂哉次螺川驛同年陳大叅喬梓携酒道別適  
賀憲伯昆季至同酌

驅車去鄉園悠悠念行役停鑣螺川上徘徊日  
將夕故人相集送置酒展疇昔温涼未及申問  
我去何適淒淒北風寒靄靄凍雲白豺狼橫路  
衢山谷多險厄願慎千金軀眷此雙白璧殷勤  
醉後言申章締金石去矣更何云鐘聲在西驛  
題温陵長橋登臨空臺覽眺

登高望海口蒼茫雲氣厚海上三神山相對如  
培塿何年駕長虹造構自天授中有凌空臺飛  
觀瞰虛牖望望烟光停歷歷雲陰走我來恣登



臨坐賞不知久懷傾蒼海波與酌溫陵酒丈夫  
生世間所貴在不朽蔡君王佐才一麾乃出守  
美哉奇功就萬事亦何有依依堤畔祠鬱鬱祠  
前柳至今海濱人伏臘走童叟下馬拜古祠靈  
爽如可覲去去亦何云延佇空搔首

入朝侍班作

東方欲明星漸稀白露初下沾人衣乍見飛烟  
裊建章忽驚仙仗下彤闈侍臣緩步趨玉墀百  
官拜舞自逶迤羽戟森傳熊虎士衣冠盡蕭鴛  
鴻儀總戎遙挿侍中貂相看意氣何矜驕李生  
督戰難酬死霍家襁褓已封侯君不見貴戚斂  
手避溫卿長孺不拜寧足驚書生有策足籌邊  
雖令主壽萬萬年吁嗟乳臭何足言

燕山明月歌

明月吐燕山蒼茫雲樹間掛輪初隱塞飛鬼欲  
臨關關塞路迢迢歸心萬里遙何當今夜月清  
光隨處發主酣客舞興轉多古往今來柰爾何  
勸君莫厭杯中酒聽我燕山明月歌



渡黃河

陝州城北黃河畔流漸日夜愁河岸奔騰萬里  
如流駛砥柱中迴河欲斷我今乘流一渡之桂  
楫蘭橈自逶迤中流容與棹歌發河伯鼓浪魚  
龍隨古往今來濁浪多君今欲渡慎風波尋源  
直向崑崙去縱有風波柰若何

蒲坂行

秣馬臨蒲坂拾級登古城城高風急秋氣哀黃  
河湯湯濁浪迴憶昔重華受帝禪恭已無爲正

南面禹稷臯夔並一時今古明良誰不羨舜亦  
命禹詠康哉南游九疑去不來降女猶傳馮汭  
處彈絃空對薰風臺我今來遊日已暮聞闔呌  
帝帝不顧都俞吁咈寧復聞蕭瑟唯聽城頭樹  
君不見見洞庭秋葉落紛紛二妃此處望夫君瀟  
湘水盡淚竹斑精鬼化入蒼梧雲

自蒲坂趨潼關作

黃河東岸風陵渡客來下馬愁將暮朝辭蒲坂  
臨潼關秦晉遙遙一水間雁飛烟暝夕陽西中



條太華相映低月出猿啼兩岸聞河流岸急風  
淒淒自昔長安稱天府山河百二金湯固秦皇  
萬世竟何如一夫發難諸侯赴漢室唐朝迭廢  
哀卓遷祿入誰能支古往今來已如此吁嗟潼  
關空險爲武封葉恭儉二張北武聖大張龍  
帝過司馬子長墓  
九月邊風吹落木少梁山俯黃河曲龍門司馬  
漢廷才寂寞高墳枕空谷吁嗟伊人昔好奇南  
游江准入會稽高探禹穴覽嶙峋遠浮湘沅窺

九疑北涉汶泗過齊魯講業遲迴返梁楚歸來  
著書追獲麟班揚崔蔡疇能伍誰言漢武好文  
章上書逮罪徒悲傷腐刑已就骨已歿古墓差  
幾臨路傍客來下馬空徬徨眼珠轉動  
天吳門歌贈駱尉頭  
昔余在吳門君來尉豫章送君閫門西悵然思  
故鄉余解吳門綬拜官事彈糾思君豐水陽夢  
折閫門柳竭來持節出河東聞君振履謁重瞳  
幾年不見使人愁還憶吳門尊酒時謝病歸來



臥救廬與君相見歎君諸舍酸爲問吳趨里誰  
知連歲風塵起城外驚傳鋒鏑鳴積血橫屍菽  
流水男啼女號廢耕織干戈攘攘何時息轉餉  
征兵事已非誰能談笑解重圍君今拂袖復朝  
天歸過吳門訪舊廬殷勤爲謝吳父老莫言高  
臥東山早雙眸淚盡海門烟別君轉使愁難掃  
早土早秋郊居雨霽述懷  
雨過池塘涼氣好堦桐葉落驚秋早閒來扶杖  
出門庭暝色嵐光淨於掃大火初流暑氣沉因

悲蒸熱難爲心炎涼翻覆寧詎料雪時新雨生  
秋陰興來步入深林去月出空山照江樹行吟  
江畔獨懷人烟波渺渺知何處以茲感歎知舊  
遊廿年奔走令人羞風塵鬱鬱久爲客太阿不  
在空懷愁一從解組賦歸田江郊卜築歲將淹  
誅茅插槿日成趣移家那用買山錢妻孥在眼  
聊自慰知我者希則我貴大男開口誦離騷小  
者拱立如可畏人生適意豈在多富貴榮華可  
柰何仲連肆志屈原放至今海水揚清波揚清



波酌清酒但願君王長萬壽  
滿朝盡是經綸手  
徵書日日下夔龍  
我耕隴畝亦何有  
醉來高臥東山岑  
世事逢人勿開口

劉生

劉生負然諾俠氣重西京  
七首千金買銜恩萬死輕  
結交多趙客飲馬出長城  
豈慕生前賞還邀身後名

長門怨

月皎空庭寂風迴永巷幽  
一從罷綦屨無意捲

簾鈞掩淚愁難盡  
含情夢轉羞空將  
辭賦客翻為愬離憂

渡揚子江

歲晏遠遊燕乘流涉巨川  
天低揚子渡風散海門烟  
仗劍非埋姓懷金異刺船  
相如文已就早晚奏甘泉

夏日遊宜興吳氏園亭次韻

終歲逢迎苦徒將寸祿牽  
有懷追往事多病惜流年  
別館浮烟外孤城落照邊  
祗應逃世網來



緒靜中緣

趨杭城同苗子遊西湖紀勝

久憶西湖勝同君此日過雙迴青雀舫並戲白

鷗渡樹隱仙岩靜山藏古寺多登臨殊未極高

興欲如何

登岳武穆墳

未窮湖上興來謁岳王墳痛哭班師詔淒涼報

國勳青山誰是主白日獨憐君夜夜英魂語臨

波不忍聞

吳門天池寺次萬總戎韻

空山紆淨界秋水照雲林芝草年年長禪房處

處深忘機看鳥下隨意聽猿吟日暮懷人遠因

之寄夙心

廣德道中

朝郭烟初歛寒郊露未晞我行歲以晏人事日

多違故國書難寄他鄉雁正飛爲云遊宦子猶

自歎無衣

春日偕胡子文內翰郭啓之黃門遊碧雲



寺

驅馬春郊道垂楊蔭遠堤偶因尋社侶乘暇到  
招提山迥藏雲細泉分遶澗低不緣簪紱累長  
此對幽棲

下邳驛阻雪

長風吹朔雪飄泊滯歸舟撫事悲黃竹憂時戀  
黑裘樹低看鳥下岸折見河流歲暮嗟行役余  
生且未休

與客談邊

與客談邊事中心自不平幾年勞築塞萬里議  
徵兵諸將皆懸印誰人獨請纓旰宵憂國聖主  
何以慰蒼生

立秋日小樓對雨作

旅客驚秋候高樓急雨聲山連虞芮國雲暗禹  
玉城搖落愁堪把羈栖病轉生故鄉看不極舍  
思若為情

八月七日聞虜入雁門

忽爾傳邊檄胡兵入雁門控弦乘月下列騎若



歷代詩選 明 牙 陽 山  
雲屯堅壁爲長策揮戈未易言但令中夜遁猶  
勝斬烏孫

鮮州行臺對竹命酌

夕臺聊獨坐露下迥生寒叢竹逢秋澹幽人人  
夜看奇無他客問清對此君歡不酌盈觴酒其  
如白鬢攢日小對性雨

秋泛使君湖

每懷江海上下築對孤蒲偶爾尋僧寺因之入  
鑑湖澹烟山欲暝寒渚雁相呼此夕扁舟意渾

疑入畫圖

謝病後酬胡太史見憶之作

養痾辭北闕閒臥鹿門深薄秩無中產卑棲有  
舊林時危不可問才短故難任日把懷人賦長  
歌當越吟

山莊閒居

山居無所事日日候陰晴急雨夜來歇輕雲朝  
復生依微村裏樹欵曲谷間鶯坐久不知晏時  
聞伐木聲



送袁子出判東平馬政

佐郡收名士爲郎寄牧蓄材官方騎射  
聖主念邊陲山驛雲連樹衙齋草滿池  
知君多逸興時有棟華思

李中舍 冊封楚藩便道還越

早傳將 帝命遙下楚王城桐葉頒周典  
皇華咏使旌揚舫漢水廣飛旆越雲平  
慮羨東歸日鄉人多頌聲

山中苔梅泉戴逸人見寄

谷口躬耕久誰憐鄭子真竹籬閒避俗  
苔徑淨無塵書蠹候朝曝花殘惜暮春  
柴門車馬斷鷗鳥日相親

元夕過聶禮部宅觀珠燈同賦

仙郎開別署處處列丹檠珠網凝朝霧  
銀缸映晚晴影連星宿動光逐篆烟清  
爲惜朝元侶端居頌太平

過潭頭郭氏覽文山公大書併讀一峯羅

公題識



背郭帶荒丘寒潭深不流故家喬木在丞相大  
書留慷慨懷賢賦淒涼過客愁因憐前代事青  
史未全收

初謫夷陵都門別相知作

豈不戀朝簪其如多病侵播遷明主惠埃罪遠  
臣心斗酒殷勤別湘波恩遇深猶煩歌出牧離  
思轉難任

入杉關

叱馭臨長坂驅車指海雲山連三楚盡水向七

閩分鄉語從人問猿聲共嶺聞誰憐持斧使猶  
護虎符軍

曉起望大王峯言懷

日上孤峯出居然紫翠懸知希從我貴特立恥  
人憐雨過烟如積巖深花欲然却尋丹洞去長  
結靜中緣

夜泊江上書懷

零雨空江夕寒林落葉疎不眠知夜寂久坐得  
心初愁擬懷人賦羞題逐客書平生舟楫意飄



泊竟何如

雪中簡聶儀部

霏雪連朝下寒風徹夜過美人隔一水相望渺  
銀河積素千峯盡飄英萬樹多東山高臥客詩  
思近如何

郊居雜興寄陳二奉常

余生不自解去任愛江郊把釣從吾好移家避  
俗嘲養生朝洗鶴課僕日誅茅獨愧雲霄侶題  
書念舊交

初登西樓適有蜀命述懷

茲晨良可悅夔客上西樓山色遙當戶松聲盡  
入秋多懷王粲賦遠道長卿遊今日勞清詠應  
憐是故侯

同年蒙山陳大叅以詩促駕作此奉答

久作隴耕臣何期蜀詔頻雖云人用舊誰歎髮  
為新感激千行淚驅馳九折巡報言青瑣客何  
日覲楓宸

舟發南村酬別二三知己



十年棲遯地此日又遐征  
鷗鳥驚來駟山花拂去旌  
舟移新漲濶酒對故交傾  
深愧臨歧贈相看別思盈

荆州至日寫懷

爲客逢長至天涯思不堪  
呼嵩瞻闕北僦館滯荆南  
羈旅誰相問村醪且自酣  
亦知名姓賤不是舊朝叅

上洞宴集

嘉宴俯巔岫招携得勝觀  
林深不礙日洞古欲

生寒海氣蒸雲盛花香帶雨殘  
平生山水意今日爲君彈

七夕有懷故園

片月下林端清光帶露團  
可憐牛女夕不向兔園看  
解佩留新愛含情念舊懽  
誰知滄海使短髮不勝冠

七夕獨坐因過宋二宗丈署中對談

獨坐不勝涼羈懷殊未央  
因過談馬客相與問牛郎  
終夕翻成別經年但服箱  
從知懽然處寧



獨世人忙

遊萬杉寺

萬樹鬱蒼蒼  
閒尋古佛堂  
雲飛朝作雨  
風過書生涼  
破衲留殘偈  
空門掩夕陽  
不堪吟眺處  
斷碣紀南唐

游開先寺

聞道開先寺  
雲林最可尋  
路從松徑轉  
臺遶石蘿侵  
梵宇經殘劫  
禪房帶夕陰  
獨憐空澗水  
猶照定時心

龍池

延矚俯雲端  
飛泉何處看  
偶尋印虎穴  
轉入臥龍湍  
響應千峯瀑  
陰生五月寒  
烟霞如可臥  
酌水是加餐

靜海寺山亭

靜域俯城隈  
孤亭嵌石開  
路從巖洞入  
人倚翠微來  
樹影迷瑤浦  
雲光映碧苔  
坐看塵世隔  
何地問仙臺

秋日別同年陳世顯使楚便道還吉州



碧雲黃葉禁城秋  
遙望星輅下楚州  
念汝獨遊雲夢澤  
與誰同眺岳陽樓  
多愁司馬歸難決  
得意冥鴻去不留  
明到螺川相憶否  
有人天畔正離憂

祗役西行入河南界作

驅車迢遞亭西巡  
衣袂翩翩消去塵  
地入汝陽還帶楚  
路連函谷更通秦  
不堪中散寧諸世  
多病長卿願乞身  
最憶慈齡頭白盡  
將因封事謝朝紳

遊中條山

中條山北勢逶迤  
雲起千峯片片垂  
迢遞江城三晉國  
依稀宰樹二郎祠  
青天有客乘黃鶴  
丹壑何人歌紫芝  
便欲懷音問商老  
何時重向漢廷歸

聞朱給事還山之報作此遙寄

聞道仙郎早罷官  
恭承帝譴出長安  
秋深葉下鴻初起  
歲晏人歸江正安  
選地移家栽藥果  
買磯垂釣看波瀾  
莫將舊事傷遲暮  
處世空歌



行路難

遊靜林寺贈王逸人

秋杪尋山歷翠微  
偶逢高士得相依  
夜來扣榻參禪罷  
朝起分泉洗藥歸  
篋裏陰符機久息  
洞中丹竈火初飛  
看君已得長生秘  
却笑先生未拂衣

宴絳州王孫別館作

名堯閣枕絳城隈  
云是王孫歌舞臺  
山對峩峩青欲斷  
檻當汾水碧初迴  
鳳簫曲罷秦娥去  
魚

藻筵開楚客來  
莫訝今朝霜氣重  
爲云驄馬下蓬萊

登雲浪閣次念菴先生見懷韻

危岑欹閣枕江流  
入暮寒烟望不收  
隱樹帆檣還泛泛  
傍人鷗鷺故悠悠  
因叅羽客囊中秘  
轉憶高人物外遊  
久欲降心問真訣  
不知何地並仙舟

臥病寺中貽道上人

自劾歸來似邴生  
倦遊仍復笑長卿  
祗緣多病



違 明主因問三乘阻化城林下雪晴花作雨  
庭間春曉鳥如笙一從悟得齋心法悔向青山  
負舊盟

九日陪吳明府諸公登嶽山凌空閣和杜

韻

絕壁危攔逕不寬秋深搖落若爲歡雲中仙令  
雙鳧鳥洞裏幽人短鵝冠白水蒼茫山欲斷青  
天迢迢歲將寒萸囊菊酎多恩澤獨倚明河閣  
上看

遊白水門次聶儀部韻

誰將斷壁瀉鳴泉猶似昆明鑿漢年巖壑半飛  
天外雪江村遙帶隴頭烟因尋谷口遊方外笑  
指菴源在洞前便欲從君長避世一策春雨斲  
山田

夜宴吳中丞別署

使君開宴敞巖扉深夜移尊傍翠微醉裏嘯歌  
頗料敵席邊彈覆動生機笛梅落盡驚蓬鬢庭  
燎光迴照鐵衣却羨當年羊叔子留賓常向習



池歸

劉敬甫待選都下歲餘不得一官作此戲

贈

公車待詔已年餘客邸寒氈歎索居夜讀舊書  
鄰有火朝歌長缺食無魚黃金不遇誰知己白  
首相看獨共予最憶少陵愁貫酒暫依嚴武欲  
何如

早秋登大名新城樓寓目

獨上層城散客愁瞳矇曙色望中浮千家砧杵

秋風起萬樹樓臺夜雨收危堞平連清漢影大  
河斜帶濁漳流天雄自古稱名鎮鎖鑰多慙寄  
白頭

偃臥洞中有客問予出處再次前韻示之

久從漁父學逃名懶向人間問濁清絕口不言  
黃石事灰心長結白鷗盟深潭日落影常靜獨  
鶴天空時一鳴爲語行藏君識否雲松巢處是  
功成

李後王讀書臺



讀書臺倚白雲邊翠壁丹林選地偏帝子夢隨  
春草後梵王宮廢劫灰前誰憐洗墨空池藻何  
處懷人有杜鵑徙倚雙峯看劍氣平分天漢注  
飛泉

與劉子行甫游廬山歸再次前韻戲之

採藥劉郎何處來  
飛花飛盡洞初開  
相逢五月披裘臥  
共歷千峯把句裁  
夜靜山樓還聽雨  
雲間石室更登臺  
勸君莫似漁人笑  
笑殺迷津何處回

謁平陸罷因過九龍池游覽

青壁岩峩掛薜蘿  
龍池寂歷漾晴波  
魚依萍藻如聽樂  
鳥雜松楸似解歌  
萬木秋聲霜後急  
九陵山色晚來多  
最憐扈祀三承遣  
回首穹碑耿不磨

平陸道中

古路空山裏深盤鳥道還  
却憐車馬迹來度晉陽關

貧家八有爲和平居士賦



白雲飛空山山色澹如掃相看了無時怡悅以  
終老

其二

微風日夕至解此炎夏熱却笑班姬扇年年怨  
離別

湖山堤上柳

每看堤上柳低拂為誰青今日秋風裏淒涼不  
可聽

宿石門驛

往來亦何頗解衣聊此憇應笑驅車人多慙抱

關吏

出門吟

出門復入門問君何處來前路荆棘多欲往又

徘徊

湘東公館偶題

溪雲不作雨山氣偏成霧何事倦遊人却下湘

東路

長沙渡河阻風



歷代詩選 明宋陽山 卷一 七  
北風翻江濤疑是雪花白愁殺渡江人繫馬郵亭夕

對雲七夕曲  
帝子仙妃思若何鳴璫曳珮渡銀河但愁今夕佳期迫謾道經年別恨多

出洲閨樓曲  
閨樓一上一銷憂楚嶺吳雲望不休羈客不知春已去忽看人弄採蓮舟

游嚴相國豫章新第

金山舊是平章宅此日重開金谷園客散林間誰是伴紫薇花發自黃昏

贈周洞巖叅知被謗還五雲

春來愁見海雲昏世事人情不可論今日送君何所贈竹屏松閣上朝暾

其二

東風吹綠水悠悠津館帘邊隱去舟唱罷驪歌人吏散蒲堤楊柳爲君愁

其三



愁聽啼鳥送將歸欲折垂楊借遠違獨恠東風  
吹不盡故將飛絮當沾衣

石倉十二代詩選

四集卷一百十三

有本亭集

大明

大理梁佐著  
後學曹學佺閱

送陳思石任太和二尹

蒼洱古名城人心元自淳  
願鼠聲不作鳧鷖歌  
有倫嗟哉非所值綱紀  
倏忽湮誰云繭絲密相  
惜膏血屯渴懷霖雨澤  
蘇此凋瘁民羨君召父  
伍上游羲皇神萬里雲  
霄路三秋劔珮身閭閻  
賴分憫衰瘼勞諮詢照  
之以冰玉嗟之以陽春



草木鬯初曙絃歌調太鈞夙夜攄忠棊贊成協  
同寅奮挽今澆俗上追良與循豈無明哲曹采  
之奏楓宸

秋日法弘寺同高陽川錢雲亭兄南還

秋暮古相尋走馬城南陌漸出城市囂直訪禪  
林僻雲陰動霏微霜颺鼓蕭索木葉響朱廊苔  
痕綉白石移尊穿蓼花解衣挂松栢豪興正相  
宜幽懷忽相惜中有同心人翻爲遠行客經歲  
久離家少年來射策偶蹙驂躡蹄暫點龍門額  
皎皎玉樹姿翼翼青霄翮豈能掩隘珠終當識  
秦璧道路雖迢遙韶華易過隙好待曲江期莫  
嗟萍梗跡長歌泛瀨盃浩氣凌鳧鳥丈夫此天  
涯萬里亦咫尺

老農篇

笑然一老農田畝在山谷山寒谷不毛火耕是  
風俗雨暘久愆期禾黍未能熟病妻臥隴邊含  
淚不敢哭稚子帶饑色芟草飯黃犢昨夜風聲  
號飄零剪茅屋曉來捨耕事入山採薪木虎豹



奔其前蛇虫噬其足伐木苦日沉刈茆不盈束  
晝既乏克腸暮復無止宿仰視陌頭人軒車逝  
追逐肥馬載輕裘行厨蒲梁肉相誇意氣盈誰  
能念幽獨安得鄭俠圖備爲吾 皇錄祈以八  
荒霖賑以太倉粟早蘇凋瘁民共歌調玉燭

高曉春別升庵師

吾師僻在高曉濱門開綠水無紅塵月夜魚龍  
解同隱霞天鷗鷺時相親著書茂陵見今日草  
玄投閣記前身翻憶明光蚤獻納文章奏疏驚

朝紳半生荒戍甘投置一片精忠知鬼神愧我  
久分門外雪遠離况值天涯春江柳依依更青  
眼山鶯故故如呼人碧雞春色明年又無柰燕  
臺竟夢頻

留別升庵師以菊節登高爲題分韻得洛  
字

誰家小宴開山郭芳草斜陽染簾箔蒼岑雪色  
壓衡廬黑水波流遡河洛諫臣氣節凌青霄太  
史文章名紫閣憑虛仙翰拂層雲一嘯涼飈生



萬壑明年此日看  
茱萸夢遶黃花籬  
下酌

八陵

大明陵闕倚燕山  
真龍盤錯何周環  
玉樹風霜太古色  
青林雨露長春顏  
精英孕毓清虛外  
佳氣冲融紫翠間  
雙樹撐雲影摩盪  
九泓瀉碧聲潺湲  
駿奔俎豆奉時序  
鷺集羽遙聯清班  
當年涇始注澗意  
保障乘時總脩備  
雁行壘壁萃雄兵  
魚陣二遠二翻地  
清霄紫塞走豺狼  
白日玄崖遁鷹鷲  
維南畿甸仗承平  
直北邊關自幽閔

慟昨秋風飛羽書  
潮河鎖鑰謀何疎  
未論謀筭傳三殿  
驟見胡塵侵六墟  
野騎縱橫天壽界  
腥膻嘯逼神宮居  
衛兵落寞顏行伍  
版冊徒爾浮糧儲  
仰藉靈威垂默相  
隔垣幾度空遙望  
只今遺跡尚驚人  
當事寧能釋惆悵  
密計上塵宵旰懷  
丹函初自天邊降  
特遴青瑣重風裁  
况復烏臺素忠諫  
詞源諫草揮八表  
鳳苞豺鬣爭光皎  
鈍步慚予後  
樞駟羣棲亦附高  
枝鳥和衆日喜德音  
諧秉職時將奸蠹矯  
令肅貔貅列戍



明氣摧猊兕郊原清八埏神鬼護鳧匣千古河  
山拱鳳城行歌清廟無疆頌獻答吾皇不匱  
情

柳亭篇為葉中翰作

新安城郭自千秋南倚佳山翠欲浮萬柳亭亭  
雲靄結山名仍得至今留黃金繫馬春猶嫩碧  
玉藏鴉晚更幽元氣靈芽隨衍漫尋常百卉那  
能儔仙郎家世山之麓秀裔深根久相毓偶緣  
萍梗泛仙流又卜名阿築新屋越國臺邊勝事

傳蘇公堤下風光淑千門蓮水照西湖萬樹松  
風度天目眼中佳麗未為少清夢依然故山遶  
故山有柳環田廬舊雨新烟迺昏曉步月看雲  
無限情南鴻北雁天涯杳年來染翰侍靈和殿  
前春柳何婆婆娑美姿正憶王恭似風度應知張  
緒多社燕投竿翻翠帶官鶯隔葉度金梭清和  
露拂千官仗夾匝風傳五夜珂退食俄驚懷舊  
業凝眸迢遞阻關河

美人圖為二江兄題



美人默坐湘雲褥獨抱琵琶手拈玉仙粧只合  
選昭陽幽情豈爲歌金谷有時召入漢宮春當  
筵試聽蓬萊曲年年青眼莫相忘記取芭蕉雙  
向綠

署中秋夜有感柬王鳳洲年兄

庭樹撼秋颺葉聲墮如雨孤鳥姪難棲羣蛩雜  
無數客夢幾驚回愁腸寸爲縷時事忽關心交  
情況非古青霄憶高鴻世路多豺虎懷君最英  
標道義夙相伍風塵屢晨昏笑言隔傾吐起坐

拂鳴琴清商爲君鼓

中秋無月

陰雲障河漢不放月華明安得披仙掌瑩然掃  
太清涼颺傳漏水細雨帶砧聲萬里凭欄者中  
宵共此情

柳洲亭逢張心月

琴劍經年跡憐君萬里遊傳家當食邑避世學  
乘桴尊酒西湖暮青燈柳館秋鄉心隨片月耿  
耿共淹留



書寶藏山門

靈鷲西來第一峯諸天樓閣迴盤龍海光人樹  
碧不定溪瀨度松清且重檻外風烟隨變態坐  
間鐘磬聽從容叩關借問袈裟者隻履何人解  
覓蹤

寒食日遊玉局山  
山閣尋春春欲深東風吹雨弄晴陰半窗樹杪  
皆浮海幾處花枝自作林時事百年生感慨琴  
樽鎮日謾登臨一聲石磬蒲壇靜對語幽禽識

道心

過高峽宿升庵師園中書壁間

誰築幽棲近水汀重門雖設畫常扃有情華嶺  
迎人綠無數烟波入眼青謝傳山中高臥榻子  
雲江上草玄亭淹留不盡清秋思雨夜簷聲傍  
枕聽

悲里中陳劉楊三老旬日中相繼而逝

蒿里淒淒落日邊春聲愁聽助連然誰堪共井  
惟三老未滿經旬到九泉玄鶴蒼鳧如有約白



頭青眼亦多年凭欄曉露浮漚處愧我招非宋  
玉篇

汴中別賈懷朴諸兄

汴水城西風日清憐君送我不勝情家山已出  
八千里京國猶賒數十程紫陌馬頭衝野濶黃  
河帆影接潮平春來欲寄相思語須倩芳梅隴  
上英

涿州歲暮懷親

客路何堪經歲暮病懷况復值隆寒錦書消息

迎鴻問寶劍清輝倚馬看候館誰憐萍梗泛高  
堂應念絮衣單翻思不及田園子時事常承膝  
下懽

重九懷家書不至次杜韻

客中兩度經重九每憶登高故國臺綠酒那堪  
就病卻黃花不肯傍人開三秋獨有孤琴伴萬  
里全無一字來遲暮寒燈詩欲就霜前砧杵故  
相催

夏日同陽川鄉丈遊朝天宮次李西涯翁



卷中韻

一帶松蘿遠徑斜  
 間來騎馬與尤賒  
 探玄舊憶多行跡  
 入眼新驚換物華  
 長日簾櫳侵碧草  
 香風臺榭簇名花  
 欲從度主乞精舍  
 藥鼎茶爐棲紫霞

七月四日姚氏莊別同部諸丈

姚家亭館初秋晴  
 木槿芙蓉垂酒罍  
 雁序相看總知己  
 驪歌欲調憐孤征  
 五雲郎署幾回首  
 萬里親舍遙關情  
 奪錦誇歸豈予志  
 使星隨處攄

微明

呂翁祠

呂翁祠堂古道邊  
 落日叢林鐘磬傳  
 綠鬃青駒悲往事  
 丹梯白石定何年  
 翻驚身世真如夢  
 未脫樊籠迥隔仙  
 欲讀殘碑掃苔蘚  
 道人茶熟興翛然

渭南飲王西陵宅上偶出吾鄉蒼洱圖索

詩席上醉書

故人手出故鄉圖  
 醉眼青燈與不孤  
 萬仞蒼峯



帶晴雪一川玄水照明珠多君菊徑珍藏久愧  
我萍踪隔越疎何日扶筇重載酒山風江月共  
招呼

夜行連雲棧懷兵曹諸友

西風使節下長安棧道何堪夜色闌石磴逶迤  
穿嶺背藤橋危朽繫江干平生歷險心神壯此  
度經行毛骨寒粉署回瞻天上客寧知念我遠  
征難

沔縣過武侯祠墓次松谷座主韻

忠武英靈何處求四山寒雨墮松楸將星營壘  
摧龍幟圖陣風雲化鶴丘死後孫曹猶奪鬼身  
前伊呂合傳流漢江千古臨高塚大石迴湍起  
暮愁

虎跳驛書碑上

廣元西下泛仙舟沙白山青水急流百尺潭高  
名跳虎一帆風動起眠鷗謾裁錦里相如賦翻  
異清秋宋玉愁懷古更堪鄉國遠夕陽隨傍驛  
邊樓



巫峽阻風承蘇桂亭張懷愚李石溪相訪  
征艤三月下巫峽峽口東風晝夜號白霧擁歸  
村舍合碧湍迴複石梁高栖遲客子行心驟迢  
迤神京望眼勞顏喜故人垂訪慰青燈綠酒話  
同袍

栢鄉春暮喜雨

北驅鎮日厭風沙一雨清宵爽氣嘉千頃春容  
疑未老三農秋望喜尤賒新鳩拂雨下桑葉舊  
燕銜泥粘柳花遙想西南多旱嗷願祈霖澤遍

天涯

送楊后峯寅丈守嚴州

秀合羣峯二水迴清風千古子陵臺雲中曉迓  
雙幡下江上春隨五馬來郎署久推經世手專  
城須仗濟川才道經采石將消凍莫惜逢人寄  
早梅

暮春同白洛原應象川錢四窓馮改溪登

翠華巖

百丈名巖覆翠華諸天高閣淨塵沙湖晴一鳥



度青鏡洞僻孤僧棲碧霞  
撻榼尋幽春未老  
登臺讀偈日初斜  
隨緣真境聊心會  
眼底浮生豈用嗟

孫毅翁命題先翁雪岑公遺愛祠

沔陽城郭問名祠  
遺愛千年童叟知  
保障謳歌續前史  
春秋俎豆答遐思  
宦途日覺趨江漢  
勲業誰能著鼎彝  
耿耿惟翁綿食德  
巖廊玉樹挺孫枝

夜坐有感用何石亭諫議韻

山城風雪擁人愁  
咫尺雲天接帝州  
慷慨有懷追世事  
凄清無寐數更籌  
邊關羽檄驚遲暮  
鄉國音書滯素秋  
燕坐燈前時拂劍  
半窗寒碧夜光浮

送邵纓泉年兄聞乃堂計南歸

遊子萍踪何所之  
高堂猶記囑歸期  
授衣倏忽驚時序  
仗劍從來感別離  
熊膽香餘霜冷夜  
鳳機聲斷月明時  
可憐陟屺千秋恨  
落日空林鳥鳥知



歷代詩選 明梁心泉  
郝寅樓年伯圃中偕劉雙溪何紹庄黃少  
川錢欽次壁間仙翁韻

池館初秋霽色沉  
王翁懸榻下雲衾  
鶯聲送酒沿朱榭  
柳眼依人滿碧岑  
門外孤帆含日暮  
樽前雙吹隔花深  
淹留不盡通家誼  
劍鳥臨風起謾吟

許石屋山房夜酌

何事君居城市深  
結廬偏得傍青岑  
丹梯愛客苔頻掃  
疎幌藏書塵不侵  
竹榻清樽耽夜話  
燈

花細雨對秋吟  
池心一片青霞石  
我欲臨之鳴素琴

江行

漠漠江門道  
盈盈一水長  
美人何處隔紅葉  
凍清霜

潞河舟中別李虎峯王北槐

落日遙天繫畫船  
片心尊酒與悠然  
雙雙鴻雁飛洲渚  
欲寄同心亦可憐

爲馮養虛題畫



樵杖郊原一徑深坐圍芳草對論心頗揮羽扇  
非驅熱不許紅塵到綠陰

石倉十二代詩選

四集卷一百十四

招搖館集

大明

常山詹 萊著  
後學曹學佺閱

寄林生

白露浩瀼瀼明月照窗素蟋蟀依我床哀鴻唳  
相顧如何中夜思欲寐反成寤燦燦牛女星隔  
河不得渡勿謂相知新相知始成故義和無停  
鞭青春恐遲暮何以勗相思託之瓊樹枝所思  
在遠鄉側身望河梁



歷代詩選 明倫彙編  
發東坻趨廣德萬太守元菴邀飲中秋夜  
理揖泛登瀛愛此明月光如何舍之去爲促故  
人觴故人忻相迎華宴夙高張絲竹奮逸響  
核充圓方千里諧宿心佳期信難常促膝共歡  
娛深夜殊未央清露垂中庭金飈灑衣裳碧桐  
凋素葉丹桂舒其芳反思分袂時側望三川陽  
因以歌伐木兼之咏河梁

自姑孰泛江懷胡龍岡二守江兩淮節推

明月照大江岸有千仞雪輕烟栖孤林清輝澹  
不歇回視姑孰城蒼然五情結姑孰亦何念佳  
人自茲別誰謂比鄰近曠若萬里絕俯仰各有  
儔不及窠與穴欲貽短書贈含情不能說

飲雪竹史氏館

少小事竒遊溟漠恣大觀脩佩陸離劔高切  
隗冠載探玄囿窟復陟瑤池端竭來僕夫悲脩  
門尋故惟遂登靜者室因知碩人寬溥溥零露  
涓皎皎秋陽乾亭臯落成陰清飈結輕瀾霜葉



下金井青翠搖琅玕我友共欣此杯流若奔湍  
洗心見羲昊啖食嗤秦韓始知蜉蝣羽能令天  
地官

別王華西子

置酒城西隅遙望江與漢中有遠行舟曾颺激  
清瀾念我平生親中夜興寤歎起視天上星三  
五正凌亂今子何翩翩矯若雲中翰願留須臾  
歡優游以泮奭泮奭亦何爲激管與急彈

其二

明月出高樓照見西行舟沿洄洲渚間不去亦  
不留傍有兩好鳥其名爲睢鳩知我別離情鳴  
聲亦啾啾解贈白玉環蛛絲結綢繆采取芳杜  
衡烹作筵上羞豈論厚薄味貴與明德儔

其三

淒淒朝雲興終日不成雨問子千里行相期在  
何所焉得歲相逢如彼牛與女直陟鳳山巔蒼  
藹滿平楚子去日悠悠我行獨踽踽側聞古人  
風有贈復有處跋惠金玉音肅肅北征羽



寄別趙大理方泉入京

雙龍瘞豐墟光芒徹星河一雄西北翔藹藹風  
雲和閭闔四門闢君子曳鳴珂窈窕左右侍瑚  
璉列差幾金碧耀雲日出入樂有儀褰裳往從  
之悠悠隔山阿青鳥摩寥廓遠食玉山禾鸞斯  
飛槍榆惻惻愁網羅崇卑自有司誰爲勞者歌

別詩贈兵憲小山毛公

煜煜中天月惺惺盈野霜川原旣迢遞山谷亦  
葱蒼鶴鴝互啾唧鴻雁儼成行紛吾齊吳榜眷

言命葦航招招夜中發追隨及嚴裝

其二

秩秩文德綏豈徒事觀兵詩書敦夙尚裘帶緩  
且輕夜秉青藜火朝閱綬胡纓仁風遠揚播  
席有恒寧永懷孔邇恩千載汝墳情

代書答李選川二守

急雨過城西絺衣生微涼皎皎明月出曲沼輕  
波揚梧桐葉乍脫芙蓉溢紅芳晰晰促織鳴  
翼號枯楊幽懷忽不懌所懼隔河梁相去亦不



遠寒暑變陰陽願馳千里駿一日五迴翔胡爲  
雜冰炭自令情內傷

其二

磬磬南征雁貽我雲錦書縱橫三五行情意正  
相如知心感壯士悅已容名姝便欲秣我馬兼  
復脂我車身無六韞行則復次且坐望中天  
雲隨風自卷舒天籟薄筠篁璆然間瓊瑤束帶  
命行李敬致雙鯉魚

寄方生東甫

惻惻不能寐中夜循軒臺念我平生惟攬衣越  
林隈關河鬱以紆原田曠每每仰視星與辰中  
天絕纖埃涼颼吹明月倏然墮中階槐柳澹清  
霏寒露白皚皚熠燿穿簾櫳蟋蟀吟除陔欲題  
寄遠曲含毫不能裁何以結綢繆願言視衷懷  
寄考功劉小魯

高躋黃鵠巔遙睇金沙渚玉樹鬱青葱瓊波乍  
容與祇疑解佩臯猶有浣紗女抽軫欲相投把  
蘭未敢語伊今限畛畦疇昔同酌醕孰與命金



鑣誰邀拾翠羽驚時遘噉趯懷遠停筐筥形影  
楚猶燕恐安予與女絕恨鴟鵂鳴苦無晨風舉  
願言惜居諸因以終譽處

題贈

魯連解纓組范蠡泛溟渤戰勝貌已肥幾先智  
斯達帝鄉邈難期天墟若可越揚帆朝夕池鼓  
柁金貝關披沙采玉珧燃石煮海月波濤勢瀟  
落雲霞狀軒豁信宿不維駒三秋非采葛誰云  
有方民庶悟無生法捐跡付丹青全身謝剗剗

秋日登東城樓

白鶴度緱嶺青牛出函關野望盡吳楚清興屬  
河山潛虬試接引棲鶻愁躋攀日予縱塵鞅咨  
爾投朋簪披衿納蘭茝列席當松杉悠悠來遠  
雁杳杳歸孤帆山桂燦新纈江楓化初顏愁心  
逐冀北羈跡滯周南遙思戰勝者心與秋空間  
重陽後一日送余可齋春元

昔賢清秋悲登高送歸客而我非羈人亦以悵  
乖隔曾颺颺清波帆轆帶遠色離筵夙高張黃



流溢琥珀竚盼洲渚間倏忽迷所適巒嶺勢紆  
盤縱橫錯阡陌依依亞垂楊行葦聲撼撼夕陽  
墮虞淵倒射雲間翮無能逐高飛云何怨離索  
歸尋鬱藍天蒼然四古栢清霜肅脩柯下有碁  
履跡典刑寧在茲聊慰緇衣膈

別鄧青野

賓鴻遊杳杳班馬鳴蕭蕭追餞隘城曲前旌抗  
山椒望隨南斗去悲起東山謠疇昔念雷谷威  
儀臨浚郊玉屑慙莫畀金蘭示不挑共欽耽虎

視恒覺草蟲啜春茲簡書畏復被彤弓昭倏忽  
若千里踟躕不崇朝皎皎嶺月出颺颺谷風飄  
松梢凝露滴楓葉驚霜凋衡嶽舊回雁潯陽不  
通潮無能挽味谷沉思入烟霄慙負乏柯斧寂  
寞歌椒聊

春初載酒遊徐家墩省吾指前有千歲墳

爲題

麗日布新燠和風卷清氛驅車出東郭肆筵滄  
江濱絲竹迭而奏沉檀氣氤氳觥籌不暫輟促



膝叙幽殷梅英尚可啜  
莸柳復欣欣上有出谷  
鳥下有苞茅麕偃仰藉  
草藁宜笑舍微醺我友  
忽指示前有千歲墳伯  
夷與盜跖冥漠孰能分  
問之不得答呼之詎可  
聞今我不爲樂逝水其  
法法舉杯孰義御毋俾  
西山曛

挽王廣文

草塵無堅棲石火難久  
假人生信浮雲世事一  
飄瓦頃圜冠帶橋遽就  
封樹野王喬降玉棺方  
朔辭金馬墨突未及黔  
宋木徒爲赭歸襯指嶙

峒行側紛沾灑映墻斷  
虹明助薤哀湍瀉斑狸  
張原歌黃鳥悲秦雅詎  
云天有知誰爲日逮舍  
琴隨中令亾笛賦山陽  
寡綢練逐竟招樂祖存  
純暇曷徵成造勳場圃  
茂梧檟  
泠泠彈玉琴本爲流水  
音矧當幽澗曲明月照  
前林初疑驚鴻翥復以  
潛龍吟誰爲鍾期者魴  
鯉乍浮沉

詠濯足者



歷代詩選 明倫彙編 家範典 孝行典 卷一百十四  
達人知自貴，賁趾若華纓。艤舟衍衍石，垂瀑滄浪清。  
翹首崖上松，藤蔓自綴紫。浩歌出金石，千古有餘情。

登超霞臺招王生心葵

徙倚翠微顛，遐矚入寥廓。烟靄頻見親，陰晴乍相薄。  
涓涓決清泉，簌簌解粉籜。間關逝蒼鷗，翩翻秀紅藥。  
種種獻舊藏，薤麥競新穫。白水遡遠帆，青山帶脩郭。  
况有素心人，千里附棲託。壯士亢虹蜺，清芬散蘅若。  
雖結東西隣，居然異牛禰。龍蠖雖遲三聘，纁終賈千金璞。

嵩山吟寄洛陽諸朋舊

悠悠我思一何深，江水黯黹愁太陰。雰霏雪霰夜沉沉，鴻雁哀鳴不可禁。  
尋源憶上嵩山岑，仙人之芳列如林。白玉塔，彤堂黃金參。駕雪鹿，騎青禽。  
六著對博遙相臨，芙蓉美人調玉琴。笙簧吹出鸞鳳音，瓊漿醉覆天爲衾。  
陰翳五色芝，續森食我瓜棗腹。不任洞天日月無古今，嗟嗟何



不投吾簪溪壑幽黑多毒淫虎豹嗥動猿猱吟  
衣裳單薄霜露侵曷使牛女爲商參雲山迢遞  
隔氛祲愛而不見傷人心憂來但擊青萍鏢不  
覺淚下沾衣襟誰其烹魚漑釜鬻嵩山嵩山心  
所欽

七日送趙徵士蘆田

夜如何其夜未央銀河耿耿成玉梁萬里靈匹  
相翱翔會日何促別日長王孫此時歸故鄉何  
不遲遲使我傷雲旗風檝泝流光蒹葭沈瀟搖

滄浪天高氣肅當雨霜白雁南來黃菊芳鷓鴣  
啁晰天各方薄寒冉冉侵衣裳我欲贈君無七  
襄願持北斗挹酒漿

脩庵子寄書至

滂滂雨雪北風涼彤雲黯慘昏復黃白馬使者  
來何方我友阻隔在江鄉遠寄錦字三五行問  
我栖遲樂太康洋洋泌水妻姬姜河魚可食身  
應強再拜攝書置空床庭除寂歷神慘傷鱸博  
羅幔熙洞房牙籤錦軸揔明缸羈雌宛宛峙枯



楊銀箭金壺漏水長願托夢寐越關梁烟波微  
渺睇淋浪

別施水部

美人別我兮何所乃在歌風之臺琉璃之井絡  
緯哀吟霜露寒百尺闌干照清冷不照人間離  
別心但照人間離別影

種竹行

甘谷老人在南城閉關却掃塵囂屏遮莫嗜菊  
如芝萹種之接畦復連町曳屣不襪冠不纓培

漑剪剔無時寧奇珠異種不可名歲蕤綠葉花  
冥冥蒸粟不獨黃金英赭如雞冠白鶴翎主人  
日對金尊傾不見泰華聞雷霆掇英泛醪濁復  
清蕩滌萬慮延頽齡何用玉女鳴寶箏更令羽  
士談金經涼飈吹墮蟾鈎明嬉戲翡翠飛蜻蛚  
碧霞蒼靄槎光晶似有滾滾甘露零頽然就醉  
神不驚長揖無懷遊大庭愧非陶潛與屈平攬  
衣欲就祛天刑

宜晚亭歌贈環浦鄭公

宋代詩選 月誓範川 四集卷百十四 十一 行



拂雲造日天中起孤亭迥立滄江汜太古冠裳  
 一偉人磁罌木豆烏皮几木落天高對夕暉獨  
 坐亭中賦秋水秋水沉沉心共清百尺玻璃清  
 徹底海上徐开白玉盤碧椀紅蕖淨如洗聞闔  
 風從蘋蓼生滢漾波光千萬里倒影中涵首石  
 峯十洲三島曾如此有薇不充狐竹殮有水不  
 洗居巢耳三閭大夫何問為晚歲行藏宜爾矣

鄭生

鄭生寫贈清揚人明眸皓齒含芳春卽今予髮

已種種安能復遊漢洛濱聞古畫龍亦師古印  
 頭奮角思騰翥珍重揮毫阿堵中飛上天邊作  
 雷雨

楚府倚蘭館

前席能趨士分庭世象賢竹苞紛秩秩蓮葉正  
 田田設醴重今日投珠駭昔年誰知蓬閣裏亦  
 自詠賓筵

漁火

絕浦漁燈暗空江月色多關山空有恨款乃忽



聞歌風靜星河沒天寒木葉波孤舟無在止獨  
酌柰愁何

送博士張北臺之建康

神州鳩鵲觀才子鸚鵡裘曉靄迎仙旆秋波促  
壯遊帆回山勢重葉落浪花浮目極通鷗渚竟  
勞結蜃樓

入楚別張瑞峯西郊

賓筵千里別雲水百程寬懷玉竟投楚授書終  
報韓暮烟迎袖紫落日射楓丹出沒雙鷗鳥悠

悠下急湍

江上望新月有懷

的的遠升海依依清映湍芙蓉偏浥露楊柳漸  
生寒獨酌酒中聖憑貽心所惟鴛鴦雙水宿驚  
起觸綸竿

送徐御醫入京

絡緯啼金井鷄雞舞玉空蟾光通戶牖蜃氣薄  
簾櫳爲入韓康市聊乘禦寇風別離隔秋水惆  
悵憶冥鴻



秋日飲城東別業

皎皎澄潭迥依依負郭隈巾車解紆鬱舉酒屬  
昭回晞露芙蓉笑橫空鴻雁哀何因生羽翼一  
舉凌蓬萊

其二

林杪挂新月江天織暮烟方舟悲宛在平楚望  
蒼然鼠虎非今異夔蛟自古憐滄浪歸路咏垂  
轡信金韉

江上聞吹簫

泊舟清湍渚諸我白雲心新月半銜嶺好風徐  
動襟樵歌穿岸去漁火入潭深獨酌頽然罷忽  
聞清吹音

戊寅中秋前一日東明子邀遊暮仙亭

仙子歸何處新亭今在茲幾年能混跡十世有  
遺思城近吹笙廟泉鄰化杖陂胡然戀救屣應  
爲向平嘆

其二

遐想青牛谷幽探白玉丘清歌繞鶴表綺席瞰



龍湫雲淨遠山樹波明古驛樓月華真可待明  
日是中秋

送魯子入汴

迢迢忽動山川興搖曳隨瞻八月槎  
靄靄關門通紫氣溶溶汴月浸金華  
憑將燕市悲歌筑爲訪夷門處士家  
遮莫龍津揚錦幔那堪雉堞隱霜笳

送趙蘆田

慷慨悲歌把袂時落花零亂正淒其  
黃鸝喜共

杯中酒綠柳愁非髣上絲淮海維揚尋故事  
淫雲落葉綴新詩南來北去多車馬誰薦蘋蘩漂  
母祠

元宵前日王生子克以乃叔傳巖秋元書

至

雁鴻十載定何如楊柳春風閉草廬  
倒屣正尋王粲傳據梧來接阮咸書  
玉笋波涵閩海潤金蓮光映楚天虛  
那堪千里關山月兩地偏從照索居



招搖池館種竹雜吟

闌干蘸水濕睥睨逐門開誰移新竹至似與故人來

其二

常疑牛女間種柳不種竹忽見招搖畔蒼然雜青玉

其三

籊籊釣淇思道遠莫能致誰云右軍來林中走相避

其四

風來枝乍眠風去枝還起時有翡翠過飛來集雕几

喜故人自建康至

新鶯睨睨語故梅歷亂飛烟江片帆落喜見故人來

題畫雜咏

鷗夷逐扁舟迴波乍容與時見白雲飛閒共羣鷗語



其二

鼓柁無前期幽篁發新聲身隨白雲去心與滄浪清

其三

艤舟柳堤石閉戶全天真祇愁白鷺來食我葭下鱗

其四

抱琴坐松根試寫松風音聊因白雲去為寄江月心

文塢訪友不遇

洞口尋幽期通家有夙好相見隔年春秋光倏垂老

其二

肅氣凋枯枝斜陽落饑翼縱橫石蘚文卽是羲文易

采芙蓉詞

芙蓉生在秋江邊鴛鴦雙泛江中天遮莫漁舟輕蕩槳月明來向白沙眠



御史塚

白楊蕭蕭石馬存  
漁歌樵唱雜朝昏  
歲歲平田集鴻雁  
應從沙漠弔忠魂

過牡丹舊臺

鶻鳩催春異昔辰  
寂寥車馬絕芳塵  
兔葵燕麥休相笑  
猶有青松是故人

石倉十二代詩選

四集卷百十四終



